



五行傳曰治宮室飾臺榭內淫亂犯親戚侮父兄則稼穡不成謂
土失其性則有水旱之災草木百穀不熟也又曰思心不睿是謂
不聖厥咎霧厥罰常風厥極凶短折時則有脂夜之妖時則有華
孽羸蟲之孽時則有牛禍時則有心腹之痾時則有黃眚黃祥時
則有木火金水沴土稼穡不成貞觀元年關內饑總章二年諸州
四十餘饑關中尤甚儀鳳四年春東都饑調露元年秋關中饑永
隆元年冬東都饑永淳元年關中及山南州二十六饑京師人相
食垂拱三年天下饑大足元年春河南諸州饑景龍二年春饑三
年三月饑先天二年冬京師岐隴幽州饑開元十六年河北饑乾
元三年春饑米斗錢千五百廣德二年秋關輔饑米斗千錢永泰
元年饑京師米斗千錢貞元元年春大饑東都河南河北米斗千

錢死者相枕二年五月麥將登而雨霖米斗千錢十四年京師及
河南饑十九年秋關輔饑元和七年春饑八年廣州饑九年春關
內饑十一年東都陳許州饑長慶二年江淮饑大和四年河北及
太原饑六年春劔南饑九年春饑河北尤甚開成四年溫台明等
州饑大中五年冬湖南饑六年夏淮南饑海陵高郵民於官河中
漉得異米號聖米九年秋淮南饑咸通三年夏淮南河南饑九年
秋江左及關內饑東都尤甚乾符三年春京師饑中和二年關內
大饑四年關內大饑人相食光啟二年二月荆襄大饑米斗三千
錢人相食三年揚州大饑米斗萬錢大順二年春淮南大饑天祐
元年十月京師大饑常風武德二年十二月壬子大風拔木易翼
爲風重翼以申命其及物也象人君誥命其鼓動於天地閒有時
飛沙揚塵怒也發屋拔木者怒甚也其占大臣專恣而氣盛眾逆

同志君行蒙暗施於事則皆傷害故常風又飄風入宮闕一日再
三若風聲如雷觸地而起爲兵將興貞觀十四年六月乙酉大風
拔木咸亨四年八月己酉大風落太廟鷓尾永隆二年七月雍州
大風害稼弘道元年十二月壬午晦宋州大風拔木嗣聖元年四
月丁巳寧州大風拔木垂拱四年十月辛亥大風拔木永昌二年
五月丁亥大風拔木神龍元年三月乙酉睦州大風拔木崔玄暉
封博陵郡王也大風折其輅蓋二年六月乙亥滑州大風拔木景
龍元年七月郴州大風發屋拔木八月宋州大風拔木壞廬舍二
年十月辛亥滑州暴風發屋三年三月辛未曹州大風拔木開元
二年六月京師大風發屋大木拔者十七八四年六月辛未京師
陝華大風拔木九年七月丙辰揚州潤州暴風雨發屋拔木十四
年六月戊午大風拔木發屋端門鷓尾盡落端門號令所從出也

十九年六月乙酉大風拔木二十二年五月戊子大風拔木天寶
十一載五月甲子東京大風拔木十三載三月辛酉大風拔木永
泰元年三月辛亥大風拔木大曆七年五月乙酉大風拔木十年
五月甲寅大風拔木貞元元年七月庚子大風拔木六年四月甲
申大風雨八年五月己未暴風發太廟屋瓦毀門闕官署廬舍不
可勝紀十年六月辛未大風拔木十四年八月癸未廣州大風壞
屋覆舟元和元年六月丙申大風拔木三年四月壬申大風毀舍
元殿闌檻二十七開占爲兵起四年十月壬午天有氣如煙臭如
燔皮日暎大風而止五年三月丙子大風毀崇陵上宮衙殿鴟尾
及神門戟竿六壞行垣四十開八年六月庚寅京師大風雨毀屋
飄瓦人多壓死者丙申富平大風拔棗木千餘株十二年春青州
一夕暴風自西北天地晦冥空中有若旌旗狀屋瓦上如蹂躪聲

有日者占之曰不及五年茲地當大殺戮長慶二年正月己酉大風霾十日夏州大風飛沙爲堆高及城堞三年正月丁巳朔大風昏霾終日四年六月庚寅大風毀延喜門及景風門大和八年六月癸未暴風壞長安縣署及經行寺塔九年四月辛丑大風拔木萬株墮含元殿四鴟尾拔殿廷樹三壞金吾仗舍發城門樓觀內外三十餘所光化門西城十數雉壞開成三年正月戊辰大風拔木五年四月甲子大風拔木五月壬寅亦如之七月戊寅亦如之會昌元年三月黔南大風飄瓦咸通六年正月絳州大風拔木有十圍者十一月己卯晦潼關夜中大風山如吼雷河噴石鳴羣鳥亂飛重關傾側十二月大風拔木乾符五年五月丁酉大風拔木廣明元年四月甲申京師及東都汝州雨雹大風拔木四年六月乙巳太原大風雨拔木千株害稼百里光化三年七月乙丑洛州

大風拔木發屋天復二年昇州大風發屋飛大木夜妖大和九年十一月戊辰晝晦咸通七年九月辛卯朔天闇乾符二年二月宣武境內黑風雨土天祐元年閏四月乙未朔大風雨土華孽延載元年九月內出梨花一枝示宰相萬木搖落而生華陰陽黷也傳曰天反時爲災又近常燠也神龍二年十月陳州李有華鮮茂如春元和十一年十二月桃杏華大和二年九月徐州滑州李有華實可食會昌三年冬沁源桃李華廣明元年冬桃李華山華皆發中和二年九月太原諸山桃杏華有實景福中滄州城塹中冰有文如畫大樹華葉芬敷者時人以爲其地當有兵難近華孽也羸蟲之孽貞觀二十一年八月萊州螟開元二十二年八月榆關蚜蚘蟲害稼入平州界有羣雀來食之一日而盡二十六年榆關蚜蚘蟲害稼羣雀來食之三載青州紫蟲食田有鳥食之廣德元年

秋蚘蚋蟲害稼關中尤甚米斗千錢貞元十年四月江西谿澗魚頭皆戴蚯蚓長慶四年絳州蚘蚋蟲害稼大和元年秋河東同虢等州蚘蚋蟲害稼開成元年京城有蟻聚長五六十步闊五尺至一丈厚五寸至一尺者四年河南黑蟲食田牛禍調露元年春牛大疫京房易傳曰牛少者穀不成又占曰金革動長安中有獻牛無前髀三足而行者又有牛髀上生數足蹠甲皆具者武太后從姊之子司農卿宗晉卿家牛生三角神龍元年春牛疫二年冬牛大疫先天初洛陽市有牛左脇有人手長一尺或牽之以乞匄開元十五年春河北牛大疫大曆八年武功櫟陽民家牛生犢二首貞元二年牛疫四年二月郊牛生犢六足足多者下不一郊所以奉天七年關輔牛大疫死者十五六咸通七年荊州民家牛生犢五足十五年夏渝州江陽有水牛生驢駒駒死光啟元年河東有

牛人言其家殺而食之二年延州膚施有牛死復生黃管黃祥貞
觀七年三月丁卯雨土二十年閏三月己酉有黃雲闊一丈東西
際天黃爲土功永徽三年三月辛巳雨土景龍元年六月庚午陝
州雨土十二月丁丑雨土天寶十三載二月丁丑雨黃土大曆七
年十一月丙寅雨土貞元二年四月甲戌雨土八年二月庚子雨
土大和八年十月甲子土霧晝昏至于十一月癸丑開成元年七
月乙亥雨土咸通十四年三月癸巳雨黃土中和二年五月辛酉
大風雨土天復三年二月雨土天地昏霾天祐元年閏四月甲辰
大風雨土木火金水沴土武德二年十月乙未京師地震陰盛而
反常則地震故其占爲臣彊爲后妃專恣爲夷犯華爲小人道長
爲寇至爲叛臣七年七月嶺州地震山摧壅江水噎流貞觀七年
十月乙丑京師地震十二年正月壬寅松叢二州地震壞廬舍二

十年九月辛亥靈州地震有聲如雷二十三年八月癸酉朔河東地震晉州尤甚壓殺五十餘人乙亥又震十一月乙丑又震永徽元年四月己巳朔晉州地震己卯又震六月庚辰又震有聲如雷二年十月又震十一月戊寅定襄地震帝始封晉王初卽位而地屢震天下將由帝而動搖象也儀鳳二年正月庚辰京師地震永淳元年十月甲子京師地震垂拱三年七月乙亥京師地震四年七月戊午又震八月戊戌神都地震延載元年四月壬戌常州地震大足元年七月乙亥楊楚常潤蘇五州地震二年八月辛亥劔南六州地震景龍四年五月丁丑剡縣地震景雲三年正月甲戌并汾絳三州地震壞廬舍壓死百餘人開元二十二年二月壬寅秦州地震西北隱隱有聲折而復合經時不止壞廬舍殆盡壓死四千餘人二十六年三月癸巳京師地震至德元載十一月辛亥

朔河西地震裂有聲陷廬舍張掖酒泉尤甚至二載三月癸亥乃
止大曆二年十一月壬申京師地震自東北來其聲如雷者三年
五月丙戌又震十二年恆定二州地大震三日乃止東鹿寧晉地
裂數丈沙石隨水流出平地壞廬舍壓死者數百人建中元年四
月己亥京師地震三年六月甲子又震四年四月甲子又震五月
辛巳又震貞元二年五月己酉又震三年十一月丁丑夜京師東
都蒲陝地震四年正月庚戌朔夜京師地震辛亥壬子丁卯戊辰
庚午癸酉甲戌乙亥皆震金房二州尤甚江溢山裂屋宇多壞人
皆露處二月壬午京師又震甲申乙酉丙申三月甲寅己未庚午
辛未五月丙寅丁卯皆震八月甲午又震有聲如雷甲辰又震九
年四月辛酉又震有聲如雷河中關輔尤甚壞城壁廬舍地裂水
涌十年四月戊申京師地震癸丑又震侍中渾瑊第有樹涌出樹

枝皆戴蚯蚓十三年七月乙未又震元和七年八月京師地震草
樹皆搖九年三月丙辰壽州地震晝夜八十壓死百餘人地陷者
三十里十年十月京師地震十一年二月丁丑又震十五年正月
穆宗卽位戊辰始朝羣臣於宣政殿是夜地震大和二年正月壬
申地震七年六月甲戌又震九年三月乙卯京師地震屋瓦皆墜
戶牖間有聲開成元年二月乙亥又震二年十一月乙丑夜又震
四年十一月甲戌又震會昌二年正月癸亥宋亳二州地震十二
月癸未京師地震大中三年十月辛巳上都及振武河西天德靈
武鹽夏等州地震壞廬舍壓死數十人十二年八月丁巳太原地
震咸通元年五月上都地震六年十二月晉絳二州地震壞廬舍
地裂泉涌泥出青色八年正月丁未河中晉絳三州地大震壞廬
舍人有死者十三年四月庚子朔浙東西地震乾符三年六月乙

丑雄州地震至七月辛巳止州城廬舍盡壞地陷水涌傷死甚眾
是月濮州地震十二月京師地震有聲四年六月庚寅雄州地震
六年二月京師地震有聲如雷藍田山裂水涌中和三年秋晉州
地震有聲如雷光啟二年春成都地震月中十數占曰兵饑十二
月魏州地震乾寧二年三月庚午河東地震山摧貞觀八年七月
隴右山摧山者高峻自上而隕之象也垂拱二年九月己巳雍州
新豐縣露臺鄉大風雨震電有山涌出高二十丈有池周三百畝
池中有龍鳳之形米麥之異武后以爲休應名曰慶山荊州人俞
文俊上言天氣不和而寒暑隔人氣氣不和而贅疣生地氣不和而
堆阜出今陛下以女主居陽位反易剛柔故地氣隔塞山變爲災
陛下以爲慶山臣以爲非慶也宜側身修德以荅天譴不然恐災
禍至后怒流于嶺南永昌中華州赤水南岸大山晝日忽風昏有

聲隱隱如雷頃之漸移東數百步壅赤水壓張村民三十餘家山高二百餘丈水深三十丈坡上草木宛然金滕曰山徙者人君不用道祿去公室賞罰不由君佞人執政政在女主不出五年有走王開元十七年四月乙亥大風震電藍田山摧裂百餘步畿內山也國主山川山摧川竭亾之證也占曰人君德消政易則然大曆九年十一月戊戌同州夏陽有山徙于河上聲如雷十三年郴州黃岑山摧壓死者數百人建中二年霍山裂元和八年五月丁丑大隗山摧十五年七月丁未苑中土山摧壓死二十人光啟三年四月維州山崩絜日不止塵壅亙天壅江水逆流占曰國破山鳴武德二年三月太行山聖人崖有聲占曰有寇至開元二十八年六月吐蕃圍安戎城斷水路城東山鳴石坼涌泉二土爲變怪垂拱元年九月淮南地生毛或白或蒼長者尺餘徧居人牀下揚州

尤甚大如馬鬣焚之臭如燎毛占曰兵起民不安長壽中東都天
宮寺泥像皆流汗霹靂天寶十一載六月虢州闖鄉黃河中女媧
墓因大雨晦冥失其所在至乾元二年六月乙未夜瀕河人聞有
風雷聲曉見其墓踊出下有巨石上有雙柳各長丈餘時號風陵
堆占曰冢墓自移天下破十三載汝州葉縣南有土塊鬪中有血
出數日不止大曆六年四月戊寅藍田西原地陷建中初魏州魏
縣西四十里地數畝忽長崇數尺四年四月甲子京師地生毛或
黃或白有長尺餘者貞元四年四月淮南及河南地生毛元和十
二年四月吳元濟鄆城守將鄧懷金以城降城自壞五十餘步大
和六年二月蘇州地震生白毛長慶中新都大道觀泥人生須數
寸拔之復生成通五年十月貞陵隧道摧陷神策軍有浮屠像懿
宗嘗跪禮之像沒地四尺五行傳曰好攻戰輕百姓飾城郭侵邊

境則金不從革謂金失其性而爲變怪也又曰言之不從是謂不
又厥咎僭厥罰常暘厥極憂時則有詩妖訛言時則有毛蟲之孽
時則有犬禍時則有口舌之病時則有白眚白祥惟木沴金金不
從革堯君素爲隋守蒲州兵器夜皆有光如火火鑠金金所畏也
敗亾之象劉武周據并州兵勢甚盛城上稍刃夜每有火光貞觀
十七年八月涼州昌松縣鴻池谷有石五青質白文成字曰高皇
海出多子李元王八十年太平天子李世民千年太子李治書燕
山人士樂太國主尙汪譚獎文仁邁千古大王五王六王七王十
風毛才子七佛八菩薩及上果佛田天子文武貞觀昌大聖延四
方上不治示孝仙戈八爲善太宗遣使祭之曰天有成命表瑞貞
石文字昭然曆數惟永旣旌高廟之業又錫眇身之祚迨于皇太
子治亦降貞符具紀姓氏甫惟寡薄彌增寅懼昔魏以土德代漢

涼州石有文石金類以五勝推之故時人謂爲魏氏之妖而晉室之瑞唐亦土德王石有文事頗相類然其文初不可曉而後人因推已事以驗之蓋武氏革命自以爲金德王其佛菩薩者慈氏金輪之號也樂太國主則鎮國太平公主安樂公主皆以女亂國其五王六王七王者唐世十八之數垂拱三年七月魏州地出鐵如船數十丈廣州雨金金位正秋爲刑爲兵占曰人君多殺無辜一年兵災于朝開元二十三年十二月己巳龍池聖德頌石自鳴其音清遠如鐘磬石與金同類春秋傳怨讟動于民則有非言之物言石鳴近石言也天寶十載六月乙亥大同殿前鐘自鳴占曰庶雄爲亂至德二載昭陵石馬汗出昔周武帝之克晉州也齊有石像汗流溼地此其類也乾元二年七月乙亥晝渾天儀有液如汗下流上元二年楚州獻寶玉十三曰玄黃天符形如笏長八寸有

孔云碎兵疫曰玉雞毛白玉也曰穀璧亦白玉也粟粒自然無雕
鑄迹曰西王母白環二曰如意寶珠大如雞卵曰紅靺鞨大如巨
栗曰琅玕珠二形如玉環四分缺一曰玉印大如半手理如鹿陷
入印中曰皇后採桑鉤如箸屈其末曰雷公石斧無孔其一闕凡
十三寘之日中白氣連天元和申文水武士護碑失其龜頭翰林
院有鈴夜中文書入則引之以代傳呼長慶中河北用兵夜輒自
鳴與軍中息耗相應聲急則軍事急聲緩則軍事緩資州有石方
丈走行數畝大和三年南蠻圍成都毀玉晨殿爲礪有吼聲三乃
止四年五月己卯通化南北二門鑰不可開鑰入如有持之者破
其管門乃啟又浙西觀察使王璠治潤州城隍中得方石有刻文
曰山有石石有玉玉有瑕瑕卽休廣明元年華岳廟玄宗御製碑
隱隱然有聲聞數里間浹旬乃止近石言也光化三年冬武德殿

前鐘聲忽嘶噉天復元年九月聲又變小常暘武德三年夏旱至
于八月乃雨四年自春不雨至于七月雨少陰之氣其氣毀則不
雨少陰者金也金爲刑爲兵刑不辜兵不戢則金氣毀故常爲旱
火爲盛陽陽氣彊悍故聖人制禮以節之禮失則僭而驕炕以導
盛陽火勝則金衰故亦旱於五行土實制水土功興則水氣壅闕
又常爲旱天官有東井主水事天漢天江亦水祥也水與火仇而
受制于土土火謫見若日蝕過分而未至與七曜循中道之南皆
早祥也七年秋關內河東旱貞觀元年夏山東大旱二年春旱三
年春夏旱四年春旱自太上皇傳位至此而比年水旱九年秋劔
南關東州二十四旱十二年吳楚巴蜀州二十六旱冬不雨至于
明年五月十七年春夏旱二十一年秋陝絳蒲夔等州旱二十二
年秋開萬等州旱冬不雨至于明年三月永徽元年京畿雍同絳

等州大旱二年九月不雨至于明年二月四年夏秋旱光葵滁潁
等州尤甚顯慶五年春河北州二十二旱總章元年京師及山東
江淮大旱二年七月劔南州十九旱冬無雪咸亨元年春旱秋復
大旱儀鳳二年夏河南河北旱三年四月旱永隆二年關中旱霜
大饑永淳元年關中大旱饑二年夏河南河北旱永昌元年三月
旱神功元年黃隨等州旱久視元年夏關內河東旱長安二年春
不雨至于六月三年冬無雪至于明年二月神龍二年冬不雨至
于明年五月京師山東河北河南旱饑太極元年春旱七月復旱
開元二年春大旱十二年七月河東河北旱帝親禱雨宮中設壇
席暴立三日九月蒲同等州旱十四年秋諸道州十五旱十五年
諸道州十七旱十六年東都河南宋亳等州旱二十四年夏旱永
泰元年春夏旱二年關內大旱自三月不雨至于六月大曆六年

春旱至于八月建中三年自五月不雨至于七月興元元年冬大旱貞元元年春旱無麥苗至于八月旱甚灞澮將竭井皆無水六年春關輔大旱無麥苗夏淮南浙西福建等道大旱井泉竭人渴且疫死者甚眾七年楊楚滁壽澧等州旱十四年春旱無麥十五年夏旱十八年夏申光蔡州旱十九年正月不雨至七月甲戌乃雨永貞元年秋江浙淮南荆南湖南鄂岳陳許等州二十六旱元和三年淮南江南江西湖南廣南山南東西皆旱四年春夏大旱秋淮南浙西江西江東旱七年夏揚潤等州旱八年夏同華二州旱十五年夏旱寶曆元年秋荆南淮南浙西江西湖南及宣襄鄂等州旱大和元年夏京畿河中同州旱六年河東河南關輔旱七年秋大旱八年夏江淮及陝華等州旱九年秋京兆河南河中陝華同等州旱開成二年春夏旱四年夏旱浙東尤甚會昌五年春

旱六年春不雨冬又不雨至明年二月大中四年大旱咸通二年
秋淮南河南不雨至于明年六月九年江淮旱十年夏旱十一年
夏旱廣明元年春夏大旱中和四年江南大旱饑人相食景福二
年秋大旱光化三年冬京師旱至于四年春詩妖竇建德未敗時
有謠曰豆入牛口勢不得久貞觀十四年交河道行軍大總管侯
君集伐高昌先是其國中有童謠曰高昌兵馬如霜雪漢家兵馬
如日月日月照霜雪回首自消滅永徽後民歌武媚娘曲調露初
京城民謠有側堂堂橈堂堂之言太常丞李嗣真曰側者不正橈
者不安自隋以來樂府有堂堂曲再言堂者唐再受命之象永淳
九年七月東都大雨人多殍殍先是童謠曰新禾不入箱新麥不
入場逮及八月狗吠空垣牆高宗自調露中欲封嵩山屬突厥
叛而止後又欲封以吐蕃入寇遂停時童謠曰嵩山凡幾層不畏

登不得但恐不得登三度徵兵馬傍道打騰騰永徽末里歌有桑
條韋也女時韋也樂龍朔中時人飲酒令曰子母相去離連臺拗
倒俗謂杯盤爲子母又名盤爲臺又里歌有突厥鹽永淳後民歌
曰楊柳楊柳漫頭駝垂拱後東都有契苾兒歌皆淫豔之詞契苾
張易之小字也如意初里歌曰黃麀黃麀草裏藏彎弓射爾傷其
後王孝傑敗於黃麀谷神龍以後民歌曰山南烏鵲窠山北金駱
駝鏹柯不鑿孔斧子不施柯山南唐也烏鵲窠者人居寡也山北
胡也金駱駝者虜獲而重載也安樂公主於洛州造安樂寺童謠
曰可憐安樂寺了了樹頭懸景龍中民謠曰黃犢犢子挽紉斷兩
足踏地鞮屩斷城南黃犢犢子韋又有阿緯娘歌時又謠曰可憐
聖善寺身著綠毛衣牽來河裏飲踏殺鯉魚兒玄宗在潞州有童
謠曰羊頭山北作朝堂天寶中有術士李遐周於玄宗都觀院廡聞

爲詩曰燕市人皆去函關馬不歸人逢山下鬼環上繫羅衣而人
皆不悟近詩妖也又祿山未反時童謠曰燕燕飛上天天上女兒
鋪白氈氈上有千錢時幽州又有謠曰舊來誇戴竿今日不堪看
但看五月裏清水河邊見契丹德宗時或爲詩曰此水連涇水雙
眸血滿川青牛逐朱虎方號太平年近詩妖也朱泚未敗前兩月
有童謠曰一隻筋兩頭朱五六月化爲胆元和初童謠曰打麥打
麥三三三乃轉身曰舞了也大中末京師小兒壘布漬水紐之向
日謂之曰拔骨咸通七年童謠曰草青青被嚴霜鵲始復看顛狂
十四年成都童謠曰咸通癸巳出無所之蛇去馬來道路稍開頭
無片瓦地有殘灰是歲歲陰在巳明年在午巳蛇也午馬也僖宗
時童謠曰金色蝦蟆爭努眼翻卻曹州天下反乾符六年童謠曰
八月無霜寒草青將軍騎馬出空城漢家天子西巡狩猶向江東

更索兵中和初童謠曰黃巢走秦山東死在翁家翁訛言貞觀十七年七月民訛言官遣棖棖殺人以祭天狗云其來也身衣狗皮鐵爪每於闇中取人心肝而去於是更相震怖每夜驚擾皆引弓劔自防無兵器者剡竹爲之郊外不敢獨行太宗惡之令通夜開諸坊門宣旨慰諭月餘乃止武后時民飲酒謳歌曲終而不盡者謂之族鹽開元二十七年十月改作東都明堂訛言官取小兒埋明堂下以爲厭勝村野兒童藏于山谷都城騷然或言兵至玄宗惡之遣使慰諭久之乃止天寶三載二月辛亥有星如月墜于東南墜後有聲京師訛言官遣棖棖捕人取肝以祭天狗人頗恐懼畿內尤甚遣使安諭之與貞觀十七年占同天寶後詩人多爲憂苦流寓之思及寄興于江湖僧寺而樂曲亦多以邊地爲名有伊州甘州涼州等至其曲徧緜聲皆謂之入破又有胡旋舞本出康

居以旋轉便捷爲巧時又尙之破者蓋破碎云建中三年秋江淮
訛言有毛人食其心人情大恐朱泚旣僭號名其舊第曰潛龍宮
移內府珍貨以實之占者以爲易稱潛龍勿用此敗祥也大和九
年京師訛言鄭注爲上合金丹生取小兒心肝密旨捕小兒無算
往往陰相告曰某處失幾兒矣方士言金丹可致神仙蓋誕妄不
經之語或信而服之則發熱多死如有所戒云小兒無辜者取其
心肝將有殺戮象劉從諫未死時潞州有狂人折腰於市曰石雄
七千人至矣從諫捕斬之咸通十四年秋成都訛言有狹母鬼夜
入人家民皆恐夜則聚坐或曰某家見鬼眼晃然如鎧燄民益懼
黃巢未入京師時都人以黃米及黑豆屑蒸食之謂之黃賊打黑
賊僖宗時里巷鬪者激怒言任見右廂天子毛蟲之孽永徽中河
源軍有狼三晝入軍門射之斃永淳中嵐勝州兔害稼千萬爲羣

食苗盡免亦不復見開元三年有熊晝入揚州城乾元二年十月
詔百官上勤政樓觀安西兵赴陝西有狐出于樓上獲之大曆四
年八月己卯虎入京師長壽坊宰臣元載家廟射殺之虎西方之
屬威猛吞噬刑戮之象六年八月丁丑獲白兔于大極殿之內廊
占曰國有憂白喪祥也建中三年九月己亥夜虎入宣陽里傷人
二誥朝獲之貞元二年二月乙丑有野鹿至于含元殿前獲之王
申又有鹿至于含元殿前獲之占曰有大喪四年三月癸亥有鹿
至京師西市門獲之開成四年四月有麋出于太廟獲之犬禍武
德三年突厥處羅可汗將入寇夜聞犬羣噪而不見犬武店初酷
吏邱神勣家狗生子皆無首當項有孔如口晝夜鳴吠俄失所在
神功元年安國獻兩首犬首多者上不一也天寶十一載李林甫
晨起盥飾將朝取書囊視之中有物如鼠躍於地卽變爲狗壯大

雄目張牙視林甫林甫射之中殺然有聲隨箭沒貞元七年趙州
柏鄉民李崇貞家黃犬乳犢會昌三年定州深澤令家狗生角大
中初狗生角京房曰執正失將害之應又曰君子危陷則狗生角
咸通中會稽有狗生而不能吠擊之無聲狗職吠以守禦其不能
者象鎮守者不能禦寇之兆成汭爲荆南節度使城中犬皆夜吠
日者向隱以爲城郭將邱墟中和二年秋丹徒狗與彘交占曰諸
侯有謀害國者白管白祥調露元年十一月壬午秦州神亭治北
霧開如日初耀有白鹿白狼見近白祥也神龍二年四月己亥雨
毛于越州之鄆縣占曰邪人進賢人遁大曆二年七月甲戌日入
時有白氣亙天九月戊午夜白霧起西北亙天五年五月甲申西
北有白氣亙天貞元二十年九月庚辰甲夜有白氣入東西際天
大和三年八月西方有白氣如柱七年十月己酉西方又有白氣

如柱者三光啟二年四月有白氣頭黑如髮自東南入于揚州滅
光化二年三月乙巳日中有白氣亙天自西南貫于東北天復元
年八月己亥西方有白雲如履底中出白氣如匹練長五丈上衝
天分爲三彗頭下垂占曰天下有兵白者戰祥也木沴金神龍中
東都白馬寺鐵像頭無故自落於殿門外天寶五載四月宰臣李
適之常列鼎具膳羞中夜鼎躍出相鬪不解鼎耳及足皆折

五行志第二十六

唐書三十六

五行傳曰簡宗廟不禱祠廢祭祀逆天時則水不潤下謂水失其性百川逆溢壞鄉邑溺人民而爲災也又曰聽之不聰是謂不謀厥咎急厥罰常寒厥極貧時則有鼓妖時則有豕禍時則有耳疴時則有雷電霜雪雨雹黑眚黑祥惟火沴水水不潤下貞觀三年秋貝譙鄆泗沂徐亳蘇隴九州水水太陰之氣也若臣道顛女謁行夷狄彊小人道長嚴刑以逞下民不堪其憂則陰類勝其氣應而水至其謫見于天月及辰星與列星之司水者爲之變若七曜循中道之北皆水祥也四年秋許戴集三州水七年八月山東河南州四十大水八年七月山東江淮大水十年關東及淮海劼州二十八大水十一年七月癸未黃氣際天大雨穀水溢入洛陽宮深四尺壞左掖門毀官寺十九洛水漂六百餘家九月丁亥河溢

壞陝州之河北縣及太原倉毀河陽中渾十六年秋徐戴二州大水十八年秋穀襄豫荆徐梓忠縣宋亳十州大水十九年秋沁易二州水害稼二十一年八月河北大水泉州海溢驩州水二十二
年夏瀘越徐交渝等州水永徽元年六月新豐渭南大雨零口山水暴出漂廬舍宣歙饒常等州大雨水溺死者數百人秋齊定等
州十六水二年秋汴定濮亳等州水四年杭夔果忠等州水五年
五月丁丑夜大雨麟遊縣山水衝萬年宮玄武門入寢殿衛士有
溺死者六月河北大水滹沱溢損五千餘家六年六月商州大水
秋冀沂密兗滑汴鄭婺等州水害稼洛州大水毀天津橋十月齊
州河溢顯慶元年七月寗州涇縣山水暴出平地四丈溺死者二
千餘人九月括州暴風雨海水溢壞安固永嘉二縣四年七月連
州山水暴出漂七百餘家麟德二年六月鄆州大水壞居人廬舍

總章二年六月括州大風雨海溢壞永嘉安固二縣溺死者九千
七十人冀州大雨水平地深一丈壞民居萬家咸亨元年五月丙
戌大雨山水溢溺死五千餘人二年八月徐州山水漂百餘家四
年七月婺州大雨山水暴漲溺死五千餘人上元三年八月青州
大風海溢漂居人五千餘家齊淄等七州大水永隆元年九月河
南河北大水溺死者甚眾二年八月河南河北大水壞民居十萬
餘家永淳元年五月丙午東都連日澍雨乙卯洛水溢壞天津橋
及中橋漂居民千餘家六月乙亥京師大雨水平地深數尺秋山
東大雨水大饑二年七月己巳河溢壞河陽橋八月恆州滹沱河
及山水暴溢害稼文明元年七月溫州大水漂千餘家括州谿水
暴漲溺死百餘人如意元年四月洛水溢壞永昌橋漂居民四百
餘家七月洛水溢漂居民五千餘家八月河溢壞河陽縣長壽二

年五月棣州河溢壞居民二千餘家是歲河陽州十一水萬歲通
天元年八月徐州大水害稼神功元年三月括州水壞民居七百
餘家是歲河南州十九水聖曆二年七月丙辰神都大雨洛水壞
天津橋秋水溢懷州漂千餘家三年三月辛亥鴻州水漂千餘家
溺死四百餘人久視元年十月洛州水長安三年六月寧州大雨
水漂二千餘家溺死千餘人四年八月瀛州水壞民居數千家神
龍元年四月雍州同官縣大雨水漂民居五百餘家六月河北州
十七大水七月甲辰洛水溢壞民居二千餘家二年四月辛丑洛
水壞天津橋溺死數百人八月魏州水景龍三年七月澧水溢害
稼九月密州水壞民居數百家開元三年河南河北水四年七月
丁酉洛水溢沈舟數百艘五年六月甲申灑水溢溺死者千餘人
鞏縣大水壞城邑損居民數百家河南水害稼八年夏契丹寇營

州發關中卒援之宿澠池之缺門營穀水上夜半山水暴至萬餘人皆溺死六月庚寅夜穀洛溢入西上陽宮宮人死者十七八畿內諸縣田稼廬舍蕩盡掌閑衛兵溺死千餘人京師興道坊一夕陷爲池居民五百餘家皆沒不見是年鄧州三鴉口大水塞谷或見二小兒以水相沃須臾有蛇大十圍張口仰天人或斫射之俄而暴雷雨漂溺數百家十年五月辛酉伊水溢毀東都城東南隅平地深六尺河南許仙豫陳汝唐鄧等州大水害稼漂沒民居溺死者甚眾六月博州棣州河決十二年六月豫州大水八月兗州大水十四年秋天下州五十水河南河北尤甚河及支川皆溢懷衛鄭滑汴濮人或巢或舟以居死者千計潤州大風自東北海濤沒瓜步十五年五月晉州大水七月鄧州大水溺死數千人洛水溢入鄜城平地丈餘死者無算壞同州城市及馮翊縣漂居民二

千餘家八月澗穀溢毀澠池縣是秋天下州六十三大水害稼及
居人廬舍河北尤甚十七年八月丙寅越州大水壞州縣城十八
年六月壬午東都灋水溺揚楚等州租稅洛水壞天津永濟二橋
及民居千餘家十九年秋河南水害稼二十年秋宋滑兗鄆等州
大水二十二年秋關輔河南州十餘水害稼二十七年三月豐袁
江等州水二十八年十月河南郡十三水二十九年七月伊洛及
支川皆溢害稼毀天津橋及東西漕上陽宮仗舍溺死千餘人是
秋河南河北郡二十四水害稼天寶四載九月河南淮陽睢陽譙
四郡水十載廣陵大風駕海潮沈江口船數千艘十三載九月東
都灋洛溢壞十九坊廣德元年九月大雨水平地數尺時吐蕃寇
京畿以水自潰去二年五月東都大雨洛水溢漂二十餘坊河南
諸州水大曆元年七月洛水溢二年秋湖南及河東河南淮南浙

東西福建等道州五十五水災七年二月江州江溢十年七月杭州海溢十一年七月戊子夜澍雨京師平地水尺餘溝渠漲溢壤民居千餘家十二年秋京畿及宋毫滑三州大雨水害稼河南尤甚平地深五尺河溢建中元年幽鎮魏博大雨易水滹沱橫流自山而下轉石折樹水高丈餘苗稼蕩盡貞元二年六月丁酉大風兩京城通衢水深數尺有溺死者東都河南荆南淮南江河溢三年三月東都河南江陵汴揚等州大水四年八月灞水暴溢殺百餘人八年秋自江淮及荆襄陳宋至于河朔州四十餘大水害稼溺死二萬餘人漂沒城郭廬舍幽州平地水深二丈徐鄭涿薊檀平等州皆深丈餘八年六月淮水溢平地七尺沒泗州城十一年十月朗蜀二州江溢十二年四月福建二州大水嵐州暴雨水深二丈十三年七月淮水溢于亳州十八年春申光蔡等州大水永

貞元年夏朗州之熊武五溪溢秋武陵龍陽二縣江水溢漂萬餘
家京畿長安等九縣山水害稼元和元年夏荆南及壽幽徐等州
大水二年六月蔡州大雨水平地深數尺四年十月丁未渭南暴
水漂民居二百餘家六年七月鄜坊黔中水七年正月振武河溢
毀東受降城五月饒撫虔吉信五州暴水虔州尤甚平地有深至
四丈者八年五月陳州許州大雨大隗山摧水流出溺死者千餘
人六月庚寅大風毀屋揚瓦人多壓死京師大水城南深丈餘入
明德門猶漸車輻辛卯渭水漲絕濟時所在百川發溢多不由故
道滄州水潦浸鹽山等四縣九年秋淮南及岳安宣江撫袁等州
大waters稼十一年五月京畿大雨水昭應尤甚衢州山水害稼深
三丈毀州郭溺死百餘人六月密州大風雨海溢毀城郭饒州浮
梁樂平二縣暴雨水漂沒四千餘戶潤常潮陳許五州及京畿水

害稼八月甲午渭水溢毀中橋十二年六月乙酉京師大雨水舍
元殿一柱傾市中水深三尺毀民居二千餘家河南河北大水洛
邢尤甚平地二丈河中江陵幽澤潞晉隰蘇台越州水害稼十三
年六月辛未淮水溢十五年秋洪吉信滄等州水長慶二年七月
河南陳許蔡等州大水好畤山水漂民居三百餘家處州大雨水
平地深八尺壞城邑桑田大半四年夏蘇湖二州大雨水太湖決
溢睦州及壽州之霍山山水暴出鄆曹濮三州雨水壞州城民居
田家略盡襄均復郢四州漢水溢決秋河南及陳許二州水害稼
寶曆元年秋鄜坊二州暴水兗海華三州及京畿奉天等六縣水
害稼大和二年夏京畿及陳滑二州水害稼河陽水平地五尺河
決壞棣州城越州大風海溢河南鄆曹濮淄青齊德兗海等州並
大水三年四月同官縣暴水漂沒三百餘家宋亳徐等州大水害

稼四年夏江水溢沒舒州太湖宿松望江三縣民田數百戶鄜坊
水漂三百餘家浙西浙東宣歙江西鄜坊山南東道淮南京畿河
南江南荆襄鄂岳湖南大水皆害稼五年六月玄武江漲高二丈
溢入梓州羅城淮西浙東浙西荆襄岳鄂東川大水害稼六年二
月蘇湖二州大水六月徐州大雨壞民居九百餘家七年秋浙西
及揚楚舒廬壽滁和宣等州大水害稼八年秋江西及襄州水害
稼蘄州湖水溢滁州大水溺萬餘戶開成元年夏鳳翔麟遊縣暴
雨水毀九成宮壞民舍數百家死者百餘人七月鎮州滹沱河溢
害稼三年夏河決浸鄭滑外城陳許鄜坊鄂曹濮襄魏博等州大
水江漢漲溢壞房均荆襄等州民居及田產殆盡蘇湖處等州水
溢入城處州平地八尺四年秋西川滄景淄青大雨水害稼及民
廬舍德州尤甚平地水深八尺五年七月鎮州及江南水會昌元

年七月江南大水漢水壞襄均等州民居甚眾大中十二年八月
魏博幽鎮兗鄆滑汴宋舒壽和潤等州水害稼徐泗等州水深五
丈漂沒數萬家十三年夏大水咸通元年潁州大水四年閏六月
東都暴水自龍門壞定鼎長夏等門漂溺居人七月東都許汝徐
泗等州大水傷稼九月孝義山水深三丈破武牢關金城門汜水
橋六年六月東都大水漂壞十二坊溺死者甚眾七年夏江淮大
水秋河南大水害稼十四年八月關東河南大水乾符三年關東
大水光化三年九月浙江溢壞民居甚眾乾寧三年四月河圯于
滑州朱全忠決其隄因爲二河散漫千餘里常寒顯慶四年二月
壬子大雨雪方春少陽用事而寒氣脅之古占以爲人君刑法暴
濫之象近常寒也咸亨元年十月癸酉大雪平地三尺人多凍死
儀鳳三年五月丙寅高宗在九成宮霖雨大寒兵衛有凍死者開

耀元年冬大寒久視元年三月大雪神龍元年三月乙酉睦州暴寒且冰開元二十九年九月丁卯大雨雪大木偃折大曆四年六月伏日寒貞元元年正月戊戌大風雪寒丙午又大風雪寒民饑多凍死者十二年十二月大雪甚寒松柏枯樹多死占曰有德遭險厥災暴寒十九年三月大雪二十年二月庚戌始雷大雨雹震電大雨雪既雷則不當雪陰蝨陽也如魯隱公之九年元和六年十二月大寒八年十月東都大寒霜厚數寸雀鼠多死十二年九月己丑雨雪人有凍死者十五年八月己卯同州雨雪害稼長慶元年二月海州海水冰南北二百里東望無際大和六年正月雨雪踰月寒甚九年十二月京師苦寒會昌三年春寒大雪江左尤甚民有凍死者咸通五年冬隰石汾等州大雨雪平地深五尺景福二年二月辛巳曹州大雪平地二尺天復三年三月浙西大雪

平地三尺餘其氣如烟其味苦十二月又大雪江海冰天祐元年
九月壬戌朔大風寒如仲冬是冬浙東浙西大雪吳越地氣常燠
而積雪近常寒也鼓妖武德三年二月丁丑京師西南有聲如崩
山近鼓妖也說者以爲人君不聰爲眾所惑則有聲無形不知所
從生天授元年九月檢校內史宗秦客拜日無雲而雷震近鼓妖
也貞元十三年六月丙寅天晦街鼓不鳴中和二年十月西北方
無雲而雷天復三年十月甲午有大聲出于宣武節度使廳事近
鼓妖也魚孽如意中濟源路敬湊家水碾柱將壞易之爲薪中有
鮎魚長尺餘猶生近魚孽也開元四年安南都護府江中有大蛇
首尾橫出兩岸經日而腐寸寸自斷數日江魚盡死蔽江而下十
十五五相符著江水臭神龍中渭水有蝦蟇大如鼎里人聚觀數
日而失是歲大水元和十四年二月晝有魚長尺餘墜於鄆州市

良久乃死魚失水而墜于市敗滅象也開成二年三月壬申有大魚長六丈自海入淮至濠州招義民殺之近魚孽也乾符六年汜水河魚逆流而上至垣曲平陸界魚民象逆流而上民不從君令也光啟二年揚州兩魚占如元和十四年蝗武德六年夏州蝗蝗之殘民若無功而祿者然皆貪撓之所生先儒以爲人主失禮煩苛則旱魚羸變爲蟲蝗故以屬魚孽貞觀二年六年京畿旱蝗太宗在苑中掇蝗祝之曰人以穀爲命百姓有過在予一人但當蝕我無害百姓將吞之侍臣懼帝致疾遽以爲諫帝曰所冀移災朕躬何疾之避遂吞之是歲蝗不爲災三年五月徐州蝗秋德戴廓等州蝗四年秋觀克遼等州蝗二十一年秋渠泉二州蝗永徽元年夔絳雍同等州蝗永淳元年三月京畿蝗無麥苗六月雍岐隴等州蝗長慶二年台建等州蝗開元三年七月河南河北蝗四年

夏山東蝗蝕稼聲如風雨二十五年貝州蝗有白身數千萬羣飛食之一夕而盡禾稼不傷廣德二年秋蝗關輔尤甚斗米千錢興元元年秋蝗螟自山而東際于海晦天蔽野草木葉皆盡貞元元年夏蝗東自海西盡河隴羣飛蔽天旬日不息所至草木葉及畜毛靡有子遺餓殍枕道民蒸蝗暴颺去翅足而食之永貞元年秋陳州蝗元和元年夏鎮冀等州蝗長慶三年秋洪州螟蝗害稼八萬頃開成元年夏鎮州河中蝗害稼二年六月魏博昭義淄青滄州兗海河南蝗三年秋河南河北鎮定等州蝗草木葉皆盡五年夏幽魏博鄆曹濮滄齊德淄青兗海河陽淮南魏陳許汝等州螟蝗害稼占曰國多邪人朝無忠臣居位食祿如蟲與民爭食故比年蟲蝗會昌元年七月關東山南鄧唐等州蝗大中八年七月劔南東川蝗咸通三年六月淮南河南蝗六年八月東都同華陝魏

等州蝗七年夏東都同華陝虢及京畿蝗九年江淮關內及東都
蝗十年夏陝虢等州蝗不絕無德虐取於民之罰乾符二年蝗自
東而西蔽天光啟元年秋蝗自東方來羣飛蔽天二年荆襄蝗米
斗錢三千人相食淮南蝗自西來行而不飛浮水緣城入揚州府
署竹樹幢節一夕如剪旛幟畫像皆齧去其首撲不能止旬日自
相食盡豕禍貞觀十七年六月司農寺豕生子一首八足自頸分
爲二貞元四年二月京師民家有豕生子兩首四足首多者上不
一也是歲宣州大雨震電有物墮地如豬手足各兩指執赤班蛇
食之頃之雲合不復見近豕禍也元和八年四月長安西市有豕
生子三百八足自尾分爲二足多者下不一也咸通七年徐州蕭
縣民家豕出園舞又牡豕多將鄰里羣豕而行復自相噬齧乾符
六年越州山陰民家有豕入室內壞器用銜按缶置於水次廣明

元年絳州稷山縣民家豕生如人狀無眉目耳髮占爲邑有亂雷
電貞觀十一年四月甲子震乾元殿前槐樹震耀天之威怒以象
殺戮槐古者三公所樹也證聖元年正月丁酉雷雷者陽聲出非
其時臣竊君柄之象長安四年五月丁亥震雷大風拔木人有震
死者延和元年六月河南偃師縣李材村有震電入民家地震裂
闊丈餘長十五里深不可測所裂處井厠相連或衝冢墓柩出平
地無損李國姓也震電威刑之象地陰類也永泰元年二月甲子
夜震霆自是無雷至六月甲申乃雷大曆十年四月甲申雷電暴
風拔木飄瓦人有震死者京畿害稼者七縣建中元年九月己卯
雷四年四月丙子東都畿汝節度使哥舒曜攻李希烈進軍至潁
橋大雨雷電人不能言者十三四馬驢多死貞元十四年五月己
酉夏至始雷元和十一年冬雷長慶二年六月乙丑大風震電落

太廟鴟尾破御史臺樹太和八年七月辛酉定陵臺大雨震廡下地裂二十有六步占曰土庶分離大臣專恣不救大敗會昌三年五月甲午始雷咸通四年十二月震雷乾符二年十二月震雷雨雷乾寧四年李茂貞遣將符道昭攻成都至廣漢震雷有石隕于帳前霜貞觀元年秋霜殺稼京房易傳曰人君刑罰妄行則天應之以隕霜三年北邊霜殺稼永徽二年綏延等州霜殺稼調露元年八月邠涇寧慶原五州霜證聖元年六月睦州隕霜殺草吳越地燠而盛夏隕霜昔所未有四年四月延州霜殺草四月純陽用事象人君當布惠于天下而反隕霜是無陽也開元十二年八月潞綏等州霜殺稼十五年天下州十七霜殺稼元和二年七月邠寧等州霜殺稼九年三月丁卯隕霜殺桑十四年四月淄青隕霜殺惡草及荆棘而不害嘉穀寶曆元年八月邠州霜殺稼大和三

年秋京畿奉先等八縣早霜殺稼大中三年春隕霜殺桑中和元
年春霜秋河東早霜殺稼雷貞觀四年秋丹延北永等州雷顯慶
二年五月滄州大雨雷中人有死者咸亨元年四月庚午雍州大
雨雷二年四月戊子大雨雷震電大風折木落則天門鴟尾三先
儒以爲雷者陰脅陽也又曰人君惡聞其過抑賢用邪則雷與雨
俱信讒殺無罪則雷下毀瓦破車殺牛馬永淳元年五月壬寅定
州大雨雷害麥禾及桑天授二年六月庚戌許州大雨雷證聖元
年二月癸卯滑州大雨雷殺燕雀神功元年媯綏二州雷聖曆元
年六月甲子曹州大雨雷久視元年六月丁亥曹州大雨雷長安
三年八月京師大雨雷人畜有凍死者神龍元年四月壬子雍州
同官縣大雨雷殺鳥獸景龍元年四月己巳曹州大雨雷二年正
月己卯滄州雨雷如雞卵開元八年十二月丁未滑州大雨雷二

十二年五月戊辰京畿渭南等六縣大風電傷麥大曆七年五月
乙酉雨雹貞元二年六月丙子大雨雹十七年二月丁酉雨雹己
亥霜戊申夜震霆雨雹庚戌大雨雪而雹五月戊寅好時縣風雹
害麥十八年七月癸酉大雨雹元和元年鄜坊等州雹十年秋鄜
坊等州風雹害稼十二年夏河南雨雹中人有死者十五年三月
京畿興平醴泉等縣雹傷麥長慶四年六月庚寅京師雨雹如彈
丸大和四年秋鄜坊等州雹五年夏京畿奉先渭南等縣雨雹開
成二年秋河南雹害稼四年七月鄭滑等州風雹五年六月濮州
雨雹如拳殺人三十六牛馬甚眾會昌元年秋登州雨雹文登尤
甚破瓦害稼四年夏雨雹如彈丸乾符六年五月丁酉宣授宰臣
豆盧瑑崔沆制殿庭氛霧四塞及百官班賀于政事堂雨雹如梟
卵大風雷雨拔木廣明元年四月甲申朔汝州大雨風拔街衢樹

十二三東都有雲起西北大風隨之長夏門內表道古槐樹自拔者十五六宮殿鴟尾皆落雨雹大如杯鳥獸殪於川澤黑眚黑祥大曆二年十二月戊戌黑氣如塵彌漫于北方黑氣陰沴也貞元四年七月自陝至河陰河水黑流入汴至汴州城下一宿而復近黑祥也占曰法嚴刑酷傷水性也五行變節陰陽相干氣色繆亂皆敗亂之象十四年潤州有黑氣如隄自海門山橫亙江中與北固山相峙又有白氣如虹自金山出與黑氣交將旦而沒大和四年正月壬寅黑氣如帶東西際天咸通十四年七月僖宗卽位是日黑氣如盤自天屬含元殿庭火沴水武德九年二月蒲州河清襄楷以爲河諸侯象清陽明之效也貞觀十四年二月陝州秦州河清十六年正月懷州河清十七年十二月鄭州滑州河清二十三年四月靈州河清永徽元年正月濟州河清二年十二月衛州

河清五年六月濟州河清十六里調露二年夏豐州河清長安初醴泉坊太平公主第井水溢流又并州文水縣猷水竭武氏井溢神龍二年三月壬子洛陽城東七里地色如水樹木車馬歷歷見影漸移至都月餘乃滅長安街中往往見水影昔苻堅之將死也長安嘗有是景龍四年三月庚申京師井水溢占曰君凶又曰兵將起開元二十二年八月清夷軍黃帝祠古井涌浪二十五年五月淄州棣州河清二十九年亳州老子祠九井涸復浦乾元二年七月嵐州合河關河三十里清如井水四日而變寶應元年九月甲午太州至陝州二百餘里河清澄澈見底大曆末深州東鹿縣中有水影長七八尺遙望見人馬往來如在水中及至前則不見水建中四年五月乙巳滑州濮州河清十四年閏五月乙丑滑州河清貞元二十一年夏越州鏡湖竭是歲朗州熊武五溪水鬪占

曰山崩川竭國必亾又曰方伯力政厥異水鬪開成二年夏旱揚
州運河竭大中八年正月陝州河清咸通八年七月泗州下邳雨
湯殺鳥雀水沸于火則可以傷物近火沴水也雨者自上而降鳥
雀民象中和三年秋汴水入于淮水鬪壞船數艘廣明元年夏汝
州峴陽峰龍池涸近川竭也五行傳曰皇之不極是謂不建厥咎
眊厥罰常陰厥極弱時則有射妖時則有龍蛇之孽時則有馬禍
時則有下人伐上之痾時則有日月亂行星辰逆行謂木金火水
土沴天也常陰長安四年自九月霖雨陰晦至于神龍元年正月
貞元二十一年秋連月陰霏元和十五年正月庚辰至于丙申晝
常陰晦微雨雪夜則晴霽占曰晝霧夜晴臣志得申咸通十四年
七月靈州陰晦乾符六年秋多雲霧晦冥自旦及禺中乃解光啟
元年秋河東大雲霧明年夏晝陰積六十日二年十一月淮南陰

晦雨雪至明年二月不解景福二年夏連陰四十餘日霧長壽元
年九月戊戌黃霧四塞霧者百邪之氣爲陰冒陽本于地而應于
天黃爲土土爲中宮神龍二年三月乙巳黃霧四塞景龍二年八
月甲戌黃霧昏濁不雨三年正月丁卯黃霧四塞十一月甲寅日
入後昏霧四塞經二日乃止占曰霧連日不解其國昏亂開元五
年正月戊辰昏霧四塞天寶十四載冬三月常霧起昏暗十步外
不見人是謂晝昏占曰有破國至德二載四月賊將武令珣圍南
陽白霧四塞上元元年閏四月大霧占曰兵起貞元十年三月乙
亥黃霧四塞日無光咸通九年十一月龐勛圍徐州甲辰大霧昏
塞至于丙午光化四年冬昭宗在東內武德門內煙霧四塞門外
日色皎然虹蜺武德初隋將堯君素守蒲州有白虹下城中唐隆
元年六月戊子虹蜺互天蜺者斗之精占曰后妃陰脅王者又曰

五色迭至照于宮殿有兵延和元年六月幽州都督孫佺帥兵襲
奚將入賊境有白虹垂頭于軍門占曰其下流血至德二載正月
丙子南陽夜有白虹四上互百餘丈元和十三年十二月丙辰有
白虹闊五尺東西互天會昌四年正月己酉西方有白虹咸通元
年七月己酉朔白虹橫互西方九年七月戊戌白虹橫互西方光
啟二年九月白虹見西方十月壬辰夜又如之天復三年三月庚
申有曲虹在日東北龍蛇孽貞觀八年七月隴右大蛇屢見蛇女
子之祥大者有所象也又汾州青龍見吐物在空中光明如火墮
地地陷掘之得玄金廣尺長七寸顯慶二年五月庚寅有五龍見
于岐州之皇后泉先天二年六月京師朝堂甗下有火蛇出長丈
餘有大蝦蟇如盤而目赤如火相與鬪俄而蛇入于大樹蝦蟇入
于草蛇蝦蟇皆陰類朝堂出非其所也開元四年六月郴州馬嶺

山下有白蛇與黑蛇鬪白蛇長六七尺吞黑蛇至腹口眼血流黑蛇長丈餘頭穿白蛇腹出俱死天寶中洛陽有巨蛇高丈餘長百尺出芒山下胡僧無畏見之曰此欲決水瀦洛城卽以天竺法咒之數日蛇死十四載七月有二龍鬪于南陽城西易坤上六龍戰于野文言曰陰疑于陽必戰至德元載八月朔成都丈人廟有肉角蛇見二載三月有蛇鬪于南陽門之外一蛇死一蛇上城建中二年夏趙州寧晉縣沙河北有棠樹甚茂民祠之爲神有蛇數百千自東西來趨北岸者聚棠樹下爲二積畱南岸者爲一積俄有徑寸龜三繞行積蛇盡死而後各登其積野人以告蛇腹皆有瘡若矢所中刺史康日知圖其事奉三龜來獻四年九月戊寅有龍見于汝州城壕龍大人象其潛也淵其飛也天城壕失其所也貞元末資州得龍丈餘西川節度使韋臯匣而獻之百姓縱觀三日

爲烟所薰而死大和二年六月丁丑西北有龍鬪三年成都門外
有龍與牛鬪開成元年宮中有眾蛇相與鬪光化三年九月杭州
有龍鬪于浙江水溢壞民廬舍占同天寶十四載光啟二年冬鄜
州洛交有蛇見于縣署復見于州署蛇冬則蟄易曰龍蛇之蟄以
存身也馬禍義寧二年五月戊申有馬生角長二寸末有肉角者
兵象武德三年十月王世充僞左僕射韋霽馬生角當頂永隆二
年監牧馬大死凡十八萬疋馬者國之武備天去其備國將危亾
文明初新豐有馬生駒二首同項各有口鼻生而死又咸陽牝馬
生石大如升上微有綠毛皆馬禍也開元十二年五月太原獻異
馬駒兩肋各十六肉尾無毛二十五年濮州有馬生駒肉角二十
九年三月滑州刺史李邕獻馬肉鬣鱗臆嘶不類馬日行三百里
建中四年五月滑州馬生角大和九年八月易定馬飲水因吐珠

一以獻開成元年六月揚州民明齊家馬生角長一寸三分會昌
元年四月桂州有馬生駒三足能隨羣于牧咸通三年郴州馬生
角十一年沁州錦上及和川牡馬生子皆死京房易傳曰方伯分
威厥妖牡馬生子乾符二年河北馬生人中和元年九月長安馬
生人京房易傳曰諸侯相伐厥妖馬生人一曰人流亾二年二月
蘇州嘉興馬生角光啟二年夏四月僖宗在鳳翔馬尾皆咤蓬如
簪咤怒象文德元年李克用獻馬二肘膝皆有鬣長五寸許蹄大
如七寸甌人痲武德四年太原尼志覺死十日而蘇貞觀十九年
衛州人劉道安頭生肉角隱見不常因以惑眾伏誅角兵象肉不
可以觸者永徽六年淄州高苑民吳威妻嘉州民辛道護妻皆一
產四男凡物反常則爲妖亦陰氣盛則母道壯也顯慶三年普州
有人化爲虎虎猛噬而不仁儀鳳三年四月涇州獻二小兒連心

異體初鵜觚縣衛士胡萬年妻吳生一男一女其胷相連餘各異體乃析之則皆死又產復然俱男也遂育之至是四歲以獻于朝永隆元年長安獲女魃長尺有二寸其狀怪異詩曰旱魃爲虐如炎如焚是歲秋不雨至于明年正月永隆二年九月萬年縣女子劉凝靜衣白衣從者數人升太史令廳問比有何災異令執之以聞是夜彗星見太史司天文曆候王者所以奉若天道恭授民時者非女子所當問載初中涪州民范端化爲虎神功元年二月庚子有人走入端門又入則天門至通天宮闈及仗衛不之覺時來俊臣婢產肉塊如二升器剖之有赤蟲須臾化爲蠶螫人而去久視二年正月成州有大人迹見長安中郴州佐史因病化爲虎欲食其嫂禽之乃人也雖未全化而虎毛生矣大極元年狂人段萬謙潛入承天門登太極殿升御牀自稱天子且言我李安國也人

相我年三十二當爲天子開元二十三年四月冀州獻長人李家
寵八尺有五寸大曆十年二月昭應婦人張產一男二女貞元八
年正月丁亥許州人李狗兒持仗上含元殿擊闌檻伏誅十年四
月恆州有巨人迹見十五年正月戊申狂人劉忠詣銀臺稱白起
令上表天下有火災十七年十一月翰林待詔戴少平死十有六
日而蘇是歲宣州南陵縣丞李嶷死已殯三十日而蘇元和二年
商州洪崖冶役夫將化爲虎眾以水沃之不果化長慶四年三月
民徐忠信潛入浴堂門寶曆二年十二月延州人賀文妻一產四
男大和二年十月狂人劉德廣入含元殿咸通七年渭州有人生
角寸許占曰天下有兵十三年四月太原晉陽民家有嬰兒兩頭
異頸四手聯足此天下不一之妖是歲民皇甫及年十四暴長七
尺餘長啜大嚼三倍如初歲餘死乾符六年秋蜀郡婦人尹生子

首如豕目在睢下占曰君失道光啟元年隰州溫泉民家有死者
既葬且半月行人聞聲呼地下其家發之則復生歲餘乃死二年
春鳳翔郿縣女子未亂化爲丈夫旬日而死京房易傳曰茲謂陰
昌賊人爲王大順元年六月資州兵王全義妻如孕覺物漸下入
股至足大拇痛甚折而生珠如彈丸漸長大如栝天祐二年五月
潁州汝塗民彭文妻一產三男疫貞觀十年關內河東大疫十五
年三月澤州疫十六年夏穀涇徐戴虢五州疫十七年夏潭濠廬
三州疫十八年廬濠巴普郴五州疫二十二年卿州大疫永徽六
年三月楚州大疫永淳元年冬大疫兩京死者相枕於路占曰國
將有恤則邪亂之氣先被于民故疫景龍元年夏自京師至山東
河北疫死者千數寶應元年江東大疫死者過半貞元六年夏淮
南浙西福建道疫元和元年夏浙東大疫死者大半大和六年春

自劍南至浙西大疫開成五年夏福建台明四州疫咸通十年宣
歙兩浙疫大順二年春淮南疫死者十三四天鳴天寶十四載五
月天鳴聲若雷占曰人君有憂貞元二十一年八月天鳴在西北
中和三年三月浙西天鳴聲如轉磨無雲而雨元和十二年正月
乙酉星見而雨占曰無雲而雨是謂天泣隕石永徽四年八月己
亥隕石于同州馮翊十八光曜有聲如雷近星隕而化也庶民惟
星自上而隕民去其上之象一曰人君爲詐妄所蔽則然

地理志第二十七

唐書三十七

自秦變古王制亾始郡縣天下下更漢晉分裂爲南北至隋滅陳天下始合爲一乃改州爲郡依漢制置太守以司隸刺史相統治爲郡一百九十縣一千二百五十五戶八百九十萬七千五百三十六口四千六百一萬九千九百五十六其地東西九千三百里南北一萬四千八百一十五里東南皆至海西至且末北至五原唐興高祖改郡爲州太守爲刺史又置都督府以治之然天下初定權置州郡頗多太宗元年始命併省又因山川形便分天下爲十道一曰關內二曰河南三曰河東四曰河北五曰山南六曰隴右七曰淮南八曰江南九曰劔南十曰嶺南至十三年定簿凡州府三百五十八縣一千五百五十一明年平高昌又增州二縣六其後北殄突厥頡利西平高昌北踰陰山西抵大漠其地東極海

西至焉耆南盡林州南境北接薛延陀界東西九千五百一十一里南北一萬六千九百一十八里景雲二年分天下郡縣置二十四都督府以統之既而以其權重不便罷之開元二十一年又因十道分山南江南爲東西道增置黔中道及京畿都畿置十五採訪使檢察如漢刺史之職天寶盜起中國用兵而河西隴右不守陷于吐蕃至大中咸通始復隴右乾符以後天下大亂至于唐亾然舉唐之盛時開元天寶之際東至安東西至安西南至日南北至單于府蓋南北如漢之盛東不及而西過之開元二十八年戶部帳凡郡府三百二十有八縣千五百七十三戶八百四十一萬二千八百七十一口四千八百一十四萬三千六百九應受田一千四百四十萬三千八百六十二頃考隋唐地理之廣狹戶口盈耗與其州縣廢置其盛衰治亂興亾可以見矣蓋自古爲天下者

務廣德而不務廣地德不足矣地雖廣莫能守也嗚呼盛極必衰雖曰勢使之然而殆忽驕滿常因盛大可不戒哉

關內道蓋古雍州之域漢三輔北地安定上郡及弘農隴西五原

西河雲中之境京兆華同鳳翔邠隴涇原渭武寧慶鄜坊丹延靈

威雄會鹽綏宥為鶉首分麟豐勝銀夏單于安北為實沈分商為

鶉火分為府二都護府二州二十七縣百三十五其名山太白九

峻吳岐梁華其大川涇渭灞滻厥賦緝綿布麻京兆同華岐調綿餘州布麻開元二十五年以關輔

夏蠶詔納米粟其河南河北非通漕州皆調絹以便關中厥貢毛羽革角布席弓刀上都初曰京城天寶

元年曰西京至德二載曰中京上元二年復曰西京肅宗元年曰

上都皇城長千九百一十五步廣千二百步宮城在北長千四百四十步廣九百六十步周四千八百六十步其崇三丈有半龍朔後皇帝常居大明宮乃謂之西內神龍元年曰太極

宮大明宮在禁苑東南西接宮城之東北隅長千八百步廣千八百步曰東內本永安宮貞觀八年置九年曰大明宮以備太上皇清暑百宮獻費以助役高宗以風痺厭西內湫溼龍朔二年始

大興晉曰蓬萊宮咸亨元年曰含元宮長安元年復曰大明宮興慶宮在皇城東南距京城之東開元初置至十四年又增廣之謂之南內二十年築夾城入芙蓉園京城前直子午谷後枕龍首

山左臨瀨石抵灑水其長六千六百六十五步廣五千五百七十五步周二萬四千一百二十步其崇丈有八尺

京兆府京兆郡本雍州開元元年為府厥貢水土稻麥薶紫稗粟

隔紗粲席鞞氈蠟酸棗人地骨皮櫻桃藕粉天寶元年領戶三十

六萬二千九百二十一口百九十六萬一百八十八領縣二十有府

十一曰真化匡道水衡仲山新城竇萬年赤本大興武德元年更名二年析置芷陽縣七年省

泉善信鳳神安業平杏太清餘皆逸萬年總章元年析置明堂縣長安二年省天寶七載曰咸

寧至德三載復故名有南望春宮臨澹水西岍有北望春宮長安二年省有大安宮本弘義

宮東有廣運澤福陵在東二十五里敬陵在東南四十里長安二年省有長安宮本弘義

後更名南五十里太和谷有太和宮武德八年置貞觀十年廢二十一年復置曰翠微宮龍山為

苑元和中以為翠微寺有子午關天寶二年尹韓朝宗引渭水入金光門置潭于西市以貯材木

大曆元年尹黎餘自南山開漕渠咸陽有便橋有興寧陵又有順陵在咸陽原興平畿本始

抵景風延喜門入苑以漕炭薪咸陽有便橋有興寧陵又有順陵在咸陽原興平畿本始

二年中宗送金城公主降吐蕃至此改曰金雪陽赤武德元年析置石門縣三年以石門溫秀

城至德二載更名西十八里有隋仙林宮雪陽置泉州貞觀元年州廢省溫秀更石門曰雲

陽雲陽曰池陽八年省雲陽更池陽曰雲陽天授二年以雲陽涇陽醴泉三原置鼎州大足元年

州廢有堯山曰泉山凡禁樵采者著于志有古鄭白渠崇陵在北十五里嵯峨山貞陵在西北四

十涇陽畿次亦武德四年曰池陽六年曰華池析置三原隸泉州貞觀元年省復華池

十涇陽畿次亦武德四年曰池陽六年曰華池析置三原隸泉州貞觀元年省復華池

十涇陽畿次亦武德四年曰池陽六年曰華池析置三原隸泉州貞觀元年省復華池

十涇陽畿次亦武德四年曰池陽六年曰華池析置三原隸泉州貞觀元年省復華池

十涇陽畿次亦武德四年曰池陽六年曰華池析置三原隸泉州貞觀元年省復華池

十涇陽畿次亦武德四年曰池陽六年曰華池析置三原隸泉州貞觀元年省復華池

十涇陽畿次亦武德四年曰池陽六年曰華池析置三原隸泉州貞觀元年省復華池

十涇陽畿次亦武德四年曰池陽六年曰華池析置三原隸泉州貞觀元年省復華池

東十五里有昭應次赤本新豐垂拱二年曰慶山神龍元年復故名有宮在驪山下貞觀十八

隋崇業宮 昭應年置咸亨二年始名溫泉宮天寶元年更驪山曰會昌山三載以縣去宮遠

析新豐萬年置會昌縣六載更溫泉曰華清宮治湯井為池環山列宮室又築羅城置百司及十

之載省新豐更會昌縣及山曰昭應東三十五里有慶山垂拱二年涌出有清虛源本鳳皇有

幽棲谷本鸚鵡中宗以韋嗣立所居更名有旌高陵畿武德元年析置鹿苑縣貞觀元年省西

儒鄉有廟故阮儒玄宗更名齊陵在東十六里四十里有龍躍宮武德六年高祖以舊第

置德宗以為修真觀有古白渠寶曆元年令同官畿有女富平次亦有荆山有鹽池澤定陵

劉仁師請更水道渠成名曰劉公堰曰彭城同官迴山富平在西北十五里龍泉山原陵

在西北二十五里檀山豐陵在東三十三里畿武德二年析置白鹿縣三年更曰藍田

金山章陵在西北二十里簡陵在西北四十里又析藍田置玉山縣貞觀三年皆省有覆

車山有藍田關故曉關有庫谷谷有關武德六年宣民令畿有漢陂東南三十里有隋甘泉宮

顏昶引南山水入京城永淳元年作萬全宮弘道元年廢宮西南二十二里有隋甘泉宮

奉天次赤文明元年析醴泉始不好時武功幽州之永壽置以奉乾陵陵在北五里梁山靖陵

在東北十里乾寧二年以縣置乾州及草王出鎮又以畿內之好時武功蓋屋醴泉隸之

好時畿故上宜武德二年析醴泉置好時貞觀八年廢上宜入岐陽武功畿武德三年以武

州之鄧鳳泉置櫻州又析始平置扶風縣四年以岐州之圍川隸之七年以郿隸岐州貞觀元年

州廢省扶風以圍川鳳泉隸岐州蓋屋武功隸雍州天授二年復以武功始平奉天蓋屋好時置

櫻州大足元年州廢有太一山南十八里有慶善宮臨渭水醴泉次赤武德元年析置溫秀縣

武德元年高祖以舊第置宮後廢為慈德寺西原殤帝所葬醴泉後省醴泉貞觀十年營昭陵

析雲陽咸陽復置有芳山有九嶼山昭陵在西北六華原畿義寧二年以華原宜君同官置宜

十里九嶼山建陵在東北十八里武將山一名馮山君郡并置土門縣以隸之武德元年

曰宜州貞觀十七年州廢省宜君土門以華原同官隸雍州垂拱二年更華原曰永安天授二年

復以永安同官富平美原置宜州大足元年州廢有永安宮長安二年置神龍元年復永安曰華

復以永安同官富平美原置宜州大足元年州廢有永安宮長安二年置神龍元年復永安曰華

原有蒲萄園宮天祐三年李茂貞墨制以縣置耀州美原畿咸亨二年析富平華原及同州之蒲城以故

華州華陰郡上輔義寧元年析京兆郡之鄭華陰置垂拱二年避

武氏諱曰太州神龍元年復故名上元二年又更名太州寶應元

年復故名乾寧四年曰興德府縣次畿赤光化三年復為州土貢

鷓鴣伏苓伏神細辛戶三萬三千一百八十七口二十二萬三

千六百一十三縣四有府一十曰普樂豐原義全清義萬福修仁神水常興義津定城

宗上元望有少華山東北三里有神臺宮本隋普德宮咸亨二年更名西南二十三里有利俗

元年置鄭渠引喬谷水東南十五里有羅文渠引小敷谷水支分溉田皆開元四年詔陝州刺史

姜師度疏故渠又華陰望垂拱元年更名仙掌天授二年析置潼津縣在關口後隸號州聖曆

立隄以捍水害二年來屬長安中省神龍元年復曰華陰上元二年曰太陰華山曰太

山寶應元年復故名有岳祠有潼關有渭津關有漕渠自苑西引渭水因石渠會霸澗經廣蓮潭

更名東十三里有隋金城宮武德三年廢顯慶三年復置西二十四里有下邽望本隸同州垂

敷水渠開元二年姜師度鑿以洩水害五年刺史樊忱復鑿之使通渭漕拱元年來屬東

南二十里有金氏二陂武德棨陽本畿故萬年隸雍州武德元年更名又析置平陵縣二年

二年引白渠灌之以置堅屯更平陵曰粟邑貞觀八年省有煮鹽澤天祐三年來屬

同州馮翊郡上輔武德元年更諸郡為州其沒子賊者事平乃更天寶三載以州土貢

鞞鞞二物皺紋吉莫麝芭茨龍莎凝水石戶六萬九百二十八口

四十萬八千七百五縣八 有府二十六曰濟北唐安秦城太州大亭河東興德連邑伏龍溫湯安遠業善南鄉臨高漢陽襄陽崇道浙谷吉安

長春華池永大洪 馮翊 望武德九年析置臨沮縣貞觀九年省有沙苑南三 朔邑 望有長春宮武德三

泉善福司禦效誠 年析置河濱縣貞觀元年省北四里有通靈陂開元七年刺史姜師度引 堰河以溉山百餘 韓

頃乾元三年曰河西隸河中府大曆五年復曰朝邑還隸同州有河濱 海祠小池有鹽 城 上武德八年徙置西韓州貞觀八年州廢以韓城河西郃陽來屬天祐 郃陽 望

陽班湫貞元四 夏陽 本河西武德三年析郃陽置又以河西郃陽韓城置 白水 望 澄城 望

年堰洿谷水城 德三年析置長寧 本武德三年更河西曰夏陽隸河中後復來屬 奉先 陵在東北二十里金粟山景陵在西北二十里金織山光陵在北十五

縣貞觀八年省 里堯山惠陵在西北十里有鹵池二 大中二年其一生鹽天祐三年來屬

商州上洛郡望士貢麝香弓材有洛源監錢官貞元七年刺史李

西華自藍田至內鄉開新道七百餘里迴山取塗人不病涉謂之

偏路行旅便之戶八千九百二十六口五萬三千八十縣六 有府二

玉京有興平軍初在 上洛 緊有熊 豐陽 上 洛南 上有金有 商洛 望東有 上津 上義寧

郃縣東原至德中徙 目山 銅有鐵 武關 二年以

年來屬貞觀五年省鳳泉大曆五年權隸京兆有太白山有鳳泉湯本歲隸雍州武德二年析置終南縣貞觀八年省天寶元年更名宜壽至德二載復故名乾寧中隸乾州天復元年來屬有駱谷關武德七年置有司竹園東南三十一里有隋宜壽宮有樓觀老子祠

邠州新平郡緊義寧二年析北地郡之新平三水置邠故作豳開

元十三年以字類幽改土貢翦刀火筋華豆澡豆白蜜地膽戶二

萬二千九百七十七口十二萬五千二百五十縣四有府十日嘉陽宜祿公劉良社胡陵

蜂川萬敵金新平望有永定壘二三水緊有石門山北二十里有萬壽湫大曆八年因風雷而成永壽上武德二年析

池舜城宜山唐定靈臺置有淺水原有長武城

右京畿採訪使治京城內

隴州汧陽郡上本隴東郡義寧二年析扶風郡之汧源汧陽南由

安定郡之華亭置天寶元年更郡曰汧陽土貢榛實龍鬚席戶二

萬四千六百五十二口十萬一百四十八縣三有府四日大堆龍盤開川臨汧汧源上垂拱二

年更華亭曰亭川神龍元年復故名元和三年省入汧源西有安戎關在隴山本大震關大中六年防禦使薛逵徙築更名有鐵有五節堰引隴川水通漕武德八年水部郎中姜行本開後廢華

亭有義寧軍大曆八年置貞元十三年築永信城于平戎川德元以南由縣置舍州四年州廢元和三年省入焉有西鎮吳山祠有紫堇山西有安夷關

涇州保定郡上本安定郡至德元載更名土貢龍鬚席戶三萬一

千三百六十五口十八萬六千八百四十九縣五有府六曰涇陽四門保

定上本安定至德元載更名廣德元年沒吐蕃大曆二年復置有折墟故城靈臺上本鶉觚天寶元年更名臨涇中良原上興元二年沒

復置潘原中本陰盤天寶元年更名後省為彰信堡貞元十一年復置

原州平涼郡中都督府望廣德元年沒吐蕃節度使馬璘表置行

原州於靈臺之百里城貞元十九年徙治平涼元和三年又徙治

臨涇大中三年收復關隴歸治平高廣明後復沒吐蕃又僑治臨

涇土貢氍毹鞍氍龍鬚席戶七千三百四十九口三萬三千一百

四十六縣二有府二曰彭陽安善平高望有崆峒山西南有木峽關州境又有石門驛藏制勝石峽木峭等關并木峽六盤為七關又南有瓦亭故關百

泉上

渭州元和四年以原州之平涼縣置行渭州廣明元年為吐蕃所

破中和四年涇原節度使張鈞表置凡乾元後所置州皆無郡名

及其季世所置州縣又不列上中下之第縣一平涼上廣德元年沒吐蕃貞元四年復置及為

行渭州其民皆州自領之西南隴山有六盤關有銀有銅有鐵西北五里有吐蕃會盟壇貞元五年築

武州中大中五年以原州之蕭關置中和四年僑治潘原縣一蕭

關中貞觀六年以突厥降戶置緣州治平高之他樓城高宗置他樓縣隸原州神龍元年省更置蕭關縣白草軍在蔚茹水之西至德後沒吐蕃

寧州彭原郡望本北地郡天寶元年更名土貢五色覆鞍氍龍鬚

席莞青亭長菴藺假蘇戶三萬七千一百二十一口二十二萬四

千八百三十七縣五有府十一曰彭池高望靜難麟寶天定安望義寧二年析置歸義縣十七年省入定

平有定緊木羅川有要冊湫天寶元年襄樂緊武德元年以縣置彭州二年彭原析置豐義縣貞觀元年州廢以

安故關獲玉真人像二十七因更名定平上武德二年析定安置後隸邠州元和三年復來屬四年隸左神策軍有高塘城唐末以縣置行州

慶州順化郡中都督府本弘化郡天寶元年曰安化至德元載更

名土貢胡女布牛酥麝蠟戶二萬三千九百四十九口十二萬四

千二百三十六縣十有府八曰龍息交水同川永安清蟠交永業樂蟠永安順化中本弘化天寶元年曰安化至德元載更名合水

中本合川武德元年置是年又析置蟠交縣貞觀樂蟠中義寧三年馬嶺中義寧三年華池下武德四年置

元年省合川入弘化天寶元年更蟠交曰合水以縣置林州貞同川中下本三泉義寧一年析彭原洛原中貞觀二年置四年隸北永州延

觀元年州廢慶中本白馬武德六年徙故豐州方渠中下神龍三年懷安下開元十一年括逃

鄜州洛交郡上本上郡天寶元年更名土貢龍鬚席戶二萬三千

四百八十四口十五萬三千七百一十四縣五有府十一曰洛昌龍交葦川五交大同安光洛安銀

方杏林修武安吉有肅戎洛交緊洛川上三川中華池水黑直羅中武德三年析三川

軍大曆六年置在鄜城甘泉中本伏陸武德元年析坊州中部郡上武德二年析鄜州之中部鄜城置土貢龍鬚席

弦麻戶二萬二千四百五十八口十二萬二百八縣四有府五曰杏城

安中部上本內部武德二年更名周天和中元皇帝為敷州刺史置馬坊高祖因以名州有鐵

臺州郭無水東北七里有上善泉開成二年刺史張怡架水入城以紓遠汲四年刺史崔

駢復增修之民獲其
利後思之為立祠
空君上本隸空州有仁智宮武德七年置貞觀十七年州廢縣亦省二十

玉華寺縣又省龍朔三年析
中部同官復置來屬有鐵
昇平上天寶十二載析空君宮在北四里鳳皇谷永徽二年廢宮為

丹州咸寧郡上本丹陽郡義寧元年析延安郡之義川汾川咸寧

縣置天寶元年更名土貢龍鬚席麝蠟燭戶萬五千一百五口八

萬七千六百二十五縣四有府五日宜城通天同化丹陽長松**義川**上武德元年**雲巖**析義川置**份川**

上有鳥**咸寧**中

延州延安郡中都督府土貢樺皮麝蠟戶萬八千九百五十四口

十萬四十縣十有府七敦化延川寧戎因城塞門延安金明又儀鳳中吐谷**膚施**上有

鎮延長中本延安武德二年置以縣置北連州并置義鄉齊明二縣以**臨真**中武德元年隸

城隸之貞觀二年州廢省義鄉齊明入延安來屬廣德二年更名**豐林**中武

年州廢**金明**中武德二年析膚施置以縣置北武州并置開遠全義崇德永安定**豐林**中武

來屬**義五縣貞觀二年州廢省開遠全義崇德永安定義入金明來屬**豐林**中武**

年僑置雲州及雲中榆林龍泉三縣八年州廢省**延川**中武德二年招慰稽胡置基州又安撫

龍泉入臨真省雲中榆林入豐林東北有合嶺關**敷政**中下本固城武德二年徙治金城

州三年析綏州之城平置魏平縣四年廢南平州省義**敷政**中下本固城武德二年徙治金城

門魏平五年更基州曰北基州貞觀八年州廢來屬**敷政**中下本固城武德二年徙治金城

洛盤新昌土埽三縣貞觀四年徙州治洛源及州

廢省洛盤新昌土埽入金城天寶元年曰敷政

北薰延昌武德二年置北仁州貞觀三年州廢十

子關延水中下本安民武德二年析延川置以縣置西和州并置修文桑原二縣貞觀二年

州廢省修文桑原入安民隸北基州州廢來屬二十二年曰弘風神龍元年更名

山上武德三年析汾州置隸丹州廣德二年來屬

靈州靈武郡大都督府土貢紅藍甘草花菘蓉代赭白膠青蟲鵠

鵠白羽麝野馬鹿革野豬黃吉莫鞞鞞庫利赤檉馬策印鹽黃

牛臆戶萬一千四百五十六口五萬三千一百六十三縣四有府五曰武略

河閒靜城鳴沙萬春有朔方軍經略軍黃河

外有豐安定遠新昌等軍豐靈保靈等城迴樂望武德四年析置豐安縣貞觀四年於迴樂

安有溫泉鹽池有特進渠既靈武上懷遠隋武德六年廢豐州省九原永豐二縣入焉

田六百頃長慶四年詔開保靜上本弘靜神龍元年曰安靜至德元載更名

威州郡中本安樂州初吐谷渾部落自涼州徙于鄯州不安其居

又徙于靈州之境咸亨三年以靈州之故鳴沙縣地置州以居之至德後沒吐蕃大中三年收復更名光啟三年徙治涼州鎮為行

州縣二鳴沙

上武德二年置會州貞觀六年州廢更置環州以大河環曲為名九年州廢還隸靈州神龍中為默啜所寇移治故豐安城咸亨三年復得故縣

溫

池

上本隸靈州神龍元年置大中四年來屬有鹽池

雄州在靈州西南百八十里中和元年徙治承天堡為行州

警州本定遠城在靈州東北二百里先天二年朔方大總管郭元

振置其後為上縣隸靈州景福元年靈威節度使韓遵表為州

城幅員十四里信安王禕所築

信安王禕所築

會州會寧郡上本西會州武德二年以平涼郡之會寧鎮置貞觀

八年以足食故更名粟州是年又更名土貢駝毛褐野馬革覆鞍

氈鹿舌鹿尾戶四千五百九十四口二萬六千六百六十縣二

一有新泉軍

開元五年廢為守捉

會寧

上本涼川武德二年更名開元四年別置涼川縣九年省有黃河堰開元七年刺史安敬忠築以捍河流有河池因雨生鹽東南有會寧關

烏蘭

上武德九年置

西南有烏蘭關

鹽州五原郡下都督府本鹽川郡唐初沒梁師都武德元年僑治

靈州貞觀元年州省以縣隸靈州二年師都平復置州天寶元年

更郡曰五原貞元三年沒吐蕃九年復城之士貢鹽山木瓜延牛

戶二千九百二十九口萬六千六百六十五縣二有府一曰鹽川有保塞軍貞元十九年置五

原上有易池白池細項池四瓦窰池鹽白池上本興靈貞觀元年與州同省二年復置景龍三年更名

夏州朔方郡中都督府土貢甍角弓酥拒霜薺戶九千二百一十

三口五萬三千一十四縣三有府二曰朔方開延化渠引房水入庫狄澤溉田二

百頃有鹽池二有天柱軍天寶十四載置寶應元年廢長慶四年節度使李祐築房延宥州臨塞陰河陶子等城于蘆子關北以護塞外有木瓜嶺德靜中下貞觀七年

曰化州十三年州廢靈朔中下武德六年置南夏州貞觀二年州廢縣省入朔方五年復置來屬長安二年省開元四年又置九年省其後又置

綏州上郡下本雕陰郡地唐初沒梁師都武德三年以歸民於延

州豐林縣僑置六年徙治延川境七年徙治魏平貞觀二年師都

平歸治上縣天寶元年更郡名土貢胡女布蠟燭戶萬八百六十

七口八萬九千一百一十二縣五有府四曰伏洛義合萬古大嶽龍泉中本上縣天寶元年更名延福中

武德六年析置北吉州并置歸義洛陽二縣又析置羅州并置石羅開

善萬福二縣又析置匡州并置安定源泉二縣貞觀二年州縣皆廢

置信義淳義二縣又析置龍州并置城平中下武德三年置魏州并置安故安泉二縣貞觀二年州廢省安故安泉西南有魏平關

風鄉義良二縣貞觀二年州縣皆廢

中下武德七年徙治魏平城取稽胡懷化文武雜半以名

銀州銀川郡下貞觀二年析綏州之儒林真鄉置土貢女楷布戶

七千六百二口四萬五千五百二十七縣四儒林中東北有真鄉中下無定河

有茹盧水開光中本隸綏州貞觀二年置入撫寧中下本隸綏州貞觀八年來屬

宥州靈朔郡上調露元年於靈夏南境以降突厥置魯州麗州含

州塞州依州契州以唐人為刺史謂之六胡州長安四年併為匡

長二州神龍三年置蘭池都督府分六州為縣開元十年復置魯

州麗州契州塞州十年平康待賓遷其人於河南及江淮十八年復置匡長二州二十六年還所遷胡戶置宥州及延恩等縣其後僑治經略軍至德二載更郡曰懷德乾元元年復故名寶應後廢

元和九年於經略軍復置距故州東北三百里十五年徙治長澤為吐蕃所破長慶四年節度使李祐復奏置土貢氈戶七千八十

三口三萬二千六百五十二縣二延恩中開元二十六年以故匡州地置又以故塞門縣地置懷德縣以故蘭州之長

泉縣地置歸仁縣寶應後皆省元和九年復置延恩有經略軍在榆多勒城天寶中王忠嗣奏置長澤中下本隸夏州貞觀七年置長州十三年州廢隸夏州元和十五年來屬有胡

洛鹽池

麟州新秦郡下都督府開元十二年析勝州之連谷銀城置十四

年廢天寶元年復置土貢青他鹿角戶二千四百二十八口萬九

百三縣三秦中開元二年置七年又置鐵麟縣十四年州廢皆省天寶元年復置新秦連谷中下貞觀八年以隋連谷戍置銀城中下

二年置四年隸銀州八年隸勝州

勝州榆林郡下都督府武德中沒梁師都師都平復置土貢胡布

青他鹿角芍藥徐長卿戶四千一百八十七口二萬九百五十二

縣二有義榆林中下有隋故榆林宮東有河濱中下貞觀三年置以縣置雲州四年曰威州八年州廢來屬東北有河濱關貞觀七

置年

豐州九原郡下都督府貞觀四年以降突厥戶置不領縣十一年

州廢地入靈州二十三年復置土貢白麥印鹽野馬胯革駝毛褐

甌戶二千八百一十三口九千六百四十一縣二九原中下永徽四年置有陵陽渠建

中三年後之以溉田置屯尋棄之有咸應永永豐中下永徽元年置麟德元年東受降城景

清二渠貞元中刺史李景略開溉田數百頃中受降城有拂雲堆祠接靈州境有闕元

三年朔方軍總管張仁愿築三受降城寶曆元年中受降城和九年道又有積塞軍本可敦

振武節度使張惟清以東城濱河徙置綏遠烽南中受降城城天寶八載置十二載廢西二百里大同川有天德軍大同川之西有天安軍皆天寶十二載

置天德軍乾元後徙屯永濟柵故大同城也元和九年宰相李吉甫奏修復舊城北有安樂戍西

受降城開元初為河所圯十年總管張說於單于大都護府本雲中都護府龍朔三年置麟德元年更名土貢

胡女布野馬胯革戶二千一百五十五口六千八百七十七縣一

金河中天寶四年置本後魏道武所都安北大都護府本燕然都護府龍朔三年曰瀚海都督府總章二

年更名開元二年治中受降城十年徙治豐勝二州之境十二年
徙治天德軍土貢野馬胯革戶二千六口七千四百九十八縣二
陰山上天寶元年置通濟上
鎮北大都護府土貢犛牛尾縣二大同上長寧上
右關內採訪使以京官領

地理志第二十八

唐書三十八

河南道蓋古豫兗青徐之域漢河南弘農潁川汝南陳畱沛泰山
濟陰濟南東萊齊山陽東海琅邪北海千乘東郡及梁楚魯東平
城陽淮陽菑川高密泗水等國暨平原渤海九江之境洛陝負河
而北爲實沈分負河而南號汝許及新鄭之地爲鶉火分鄭汴陳
蔡潁爲壽星分宋亳徐宿鄆曹濮爲大火分兗海沂泗爲降婁分
青淄密登萊齊棣爲玄枵分滑爲媯訾分濠爲星紀分爲府一州
二十九縣百九十六其名山三峭少室砥柱蒙嶧嵩高泰岳其大
川伊洛汝潁沂泗淮濟厥賦絹純綿布厥貢絲布葛席埏埴益缶
東都隋置武德四年廢貞觀六年號洛陽宮顯慶二年曰東都光
宅元年曰神都神龍元年復曰東都天寶元年曰東京上元二年

罷京肅宗元年復爲東都

皇城長千八百一十七步廣千三百七十八步周四千九百三十步其崇三丈七尺曲折以象南宮垣名曰太微城

宮城在皇城北長千六百二十步廣八百有五步周四千九百二十一步其崇四丈八尺以象北辰藩衛曰紫微城武后號太初宮上陽宮在禁苑之東東接皇城之西南隅上元中置高宗之季常居以聽政都城前直伊闕後據邙山左瀍右澗洛水貫其中以象河漢東西五千六百一十步南北五千四百七十步西連苑北自東城而東二千五百四十步周二萬五千五十步其崇丈有八尺武后號曰金城

河南府河南郡本洛州開元元年為府土貢文綾繒縠絲葛埏埴

盎缶苟杞黃精美果華酸棗戶十九萬四千七百四十六口百一

十八萬三千九十二縣二十 有府三十九曰武定復梁康城柏林巖邑陽樊王陽永嘉邵南慕善政教聲洛伊陽懷音軹城洛內邙鄆伊川

洛泉通谷潁源宜陽金谷王屋成皋夏邑原邑原城鶴 **河南** 赤垂拱四年析河南洛陽置永昌臺函谷千秋同軌饒濟溫城具茨寶圖鈞臺承雲軒轅 **河南** 縣永昌元年更河南曰合宮長安

二年省永昌神龍元年復曰河南二年又曰合宮唐隆元年復故名有洛漕新潭大足元年開以置租船龍門山東抵天津有伊水石堰天寶十載尹裴迴置有瀋水避武宗名曰吉水宣宗立復

故 **洛陽** 赤天授三年析洛陽永昌置來庭縣長安二年 **偃師** 畿天寶七載尹韋濟以北陂道名洛陽省神龍二年更洛陽曰永昌唐隆元年復故名 遷自縣東山下開新道通孝義

橋西北有故富 **鞏** 畿有洛 **緱氏** 次赤貞觀十八年省上元二年復置有恭陵有和陵在 **陽城** 太平山本懷來山天祐元年更名東南有轅轅故關

畿武德四年王世充偽令王維來降以陽城嵩陽翟置嵩州又析三縣地置康成縣貞觀三年州廢省康成萬歲登封元年將封嵩山改陽城曰告成神龍元年復故名二年復為告成天祐二

年更名陽邑有測景臺開元十一 **登封** 畿本嵩陽貞觀十七年省入陽城永清元年營奉天宮年詔太史監南宮說刻石表焉 分陽城緱氏復置二年省光宅元年復置萬歲登封元

年更名神龍元年曰嵩陽二年復曰登封嵩山
有中岳祠有少室山有三陽宮聖曆三年置
陸渾 畿有鳴皋山 伊闕 畿北有伊闕故關有
陸渾山一名方山

新安 畿義寧二年以縣置新安郡武德元年曰穀州以熊州之澠池
隸之并析置東垣縣四年省東垣貞觀元年來屬有長石山
澠池 州來治西五里有

紫桂宮儀鳳二年置調露二年曰避暑
宮永清元年曰芳桂宮弘道元年廢
福昌 畿本宜陽義寧二年以宜陽澠池永寧置宜陽郡
武德元年曰熊州二年更宜陽曰福昌因隋宮為

名四年以洛州之壽安隸之貞觀元年州廢以福昌永寧二縣隸穀州六年徙穀州來治八年以
魏州之長水隸之顯慶二年州廢以福昌永寧長水來屬西十七里有蘭昌宮有故隋福昌宮顯

慶三年復置
長水 畿本長淵隸弘農邵義寧元年更名武德元年隸魏州貞觀八年
有女兒山 隸穀州顯慶二年來屬有錫西有高門關松陽故關鵝鵲故關

熊耳義寧二年更名隸宜陽郡武德三年以永寧峭置兩州八年州廢以永寧
隸熊州峭隸峽州西五里有峭岫宮西三十三里有蘭峰宮皆顯慶三年置
壽安 畿初隸穀

年來屬西二十九里有連昌宮顯慶三年置西南四十里萬安山有興
泰宮長安四年置并析置興泰縣神龍元年省有錦屏山武后所名
密 州并置零水洧源二縣

四年州廢省零水洧源以密隸
河清 畿本大基武德二年置隸懷州八年省咸亨四年析河南
鄭州龍朔二年來屬有羽山 洛陽新安王屋濟源河陽復置并置柏崖縣尋省柏崖先

天元年更名會昌三年隸孟州尋
還屬後廢咸通中復置有柏崖倉
潁陽 畿本武林載初元年析河南伊闕嵩陽置開元十五年
更名西北有大谷故關倚箔山有鍾乳貞觀七年采

伊陽 畿先天元年析陸渾置有太
和山有銀銅錫伊水有金
王屋 廢隸懷州顯慶二年復故名來屬有王屋山

汝州臨汝郡雄本伊州襄城郡貞觀八年更州名天寶元年更郡

名士貢絕戶六萬九千三百七十四口二十七萬三千七百五十

六縣七

有府四曰龍興梁望本承休又有梁縣在西南四十五里貞觀元年省梁更承休曰

石樓山

邽城

魯山上王世充置魯州武德四年廢俄以魯山隄陽復置魯州貞觀九年州廢省隄陽以魯山來屬有堯山有銀有漢故關

葉緊本

州武德四年以縣置葉州五年州廢隸北澧州貞觀八年隸魯州州廢隸許州開元三年以葉襄城及唐州之方城豫州之西平許州之舞陽置仙州二十六年州廢縣還故屬未幾以葉來屬大

曆四年復以葉襄城置仙州又析置仙臯縣以許州之舞陽蔡州之西平襄城望武德元年以唐州之方城隸之五年州廢省仙臯餘縣皆還故屬有黃城山白石山

汝墳期城二縣貞觀元年州廢省汝墳期城以襄城隸許州龍興上本湍陽武德四年置貞觀

開元二十六年來屬二十八年還隸許州天寶七載來屬龍興元年省證聖元年析邽城魯

山復置曰武興神龍元年臨汝上先天元年置有清署宮

年更名中興尋又更名臨汝在鳴皋山南貞觀中置

右都畿採訪使治東都城內

陝州陝郡大都督府雄本弘農郡義寧元年置武德元年曰陝州

三年兼置南韓州四年廢南韓州天寶元年更郡名天祐元年為興唐府縣次畿赤哀帝初復故土貢麩麥栝蓏柏實戶二萬九百五十八口十七萬一百三十八縣六有府十五曰曹陽崇樂華望安城桃林夏

陝古

望有大陽故關即茅津一曰陝津貞觀十一年造浮梁有南北利人渠南渠貞觀十一年太宗東幸使武候將軍丘行恭開有陝城宮有廣濟渠武德元年陝東道大行臺金部郎

中長孫操所開引水入城以**峽石**上本嶠義寧二年省武德元年復置貞觀十四年移治峽石

代并汲有太原倉有峴山顯慶三年置東有神雀臺**靈寶**望本桃林義寧元年隸號郡武德元年來屬天寶元年獲寶符

天寶二年以赤雀見置于縣南古函谷關因更名有涇津義寧元年置關貞觀元年廢

關置津有桃源**夏**望本隸虞州貞觀十七年隸絳州大足元**芮城**望武德二年以芮城河北永

宮武德元年置永樂隸鼎州芮**平陸**望本河北隸蒲州貞觀元年來屬天寶元年太守李齊物開三門以利漕

城河北來屬有銀穴三十四銅穴四十八**觀八年徙治弘農天寶元年更郡名土貢絕瓦硯麝地骨皮黎戶**

二萬八千二百四十九口八萬八千八百四十五縣六有府四曰鼎湖全節金明開方

弘農緊本隋弘農郡義寧元年曰鳳林領弘農閩鄉湖城武德元年曰鼎州因鼎湖為名貞觀

八年州廢縣皆來屬神龍初避孝敬皇帝諱曰恆農開元十六年復故名南七里有渠貞

觀元年令元伯武**閩鄉**望貞觀元年來屬有潼關大谷關武德二年廢有鳳陵湖城望義寧

引水北流入城**湖城**望義寧元年置

乾元三年更名天平大曆四年復舊有故隋上陽宮貞觀初置咸亨元年廢縣東故道濱河不并

汲馬多渴死天寶八載館驛使御史中丞朱渾開新路自稠桑西由晉王斜有熊耳山覆釜山一名荆**朱陽**上能朔元年隸商州萬歲通**玉城**上義寧**盧氏**上武德元年置南有

山**朱陽**天二年隸洛州後來屬有鐵

滑州靈昌郡望本東郡天寶元年更名土貢方紋綾紗絹蓆席酸棗人戶七萬一千九百八十三口四十二萬二千七百九縣七宣

義軍大曆七年置本永平十四年徙屯蔡州興元元年復還貞元元年曰義成軍光啟二年更名白馬望衛南緊匡城望有長垣縣

城望王世充置燕州偽刺史單宗來降復為縣 胙城緊武德二年置胙州并置南燕縣望本隸東梁州武德三年析酸棗胙城置

守節縣四年省貞觀八年州廢來屬靈昌緊王世充置興州世充平廢

鄭州滎陽郡雄武德四年置治虎牢城貞觀七年徙治管城土貢

絹龍莎戶七萬六千六百九十四口三十六萬七千八百八十一

縣七管城望武德四年以管城中牟原武陽武新鄭置管州并置須水清池二縣貞觀元年州廢省須水清池以管城原武陽武新鄭來屬有僕射陂後魏孝文帝賜僕射李

沖因以為名天寶六載更名廣仁池禁漁采 滎陽上天授二年析置武泰縣隸洛州尋省更滎陽曰武泰萬歲通天

復故名二 滎澤望原武緊本原陵唐初更名復漢舊 陽武望本原武城 新鄭望中牟緊本圃田武

年來屬 以縣置牟州四年州廢隸管州貞觀元年隸汴州龍朔二年來屬

潁州汝陰郡上本信州武德四年置六年更名土貢絕綿糟白魚

戶三萬七百七口二十萬二千八百九十縣四汝陰緊武德初有永安高唐永樂清邱穎

陽等縣六年省永安高唐永樂貞觀元年省清邱穎陽皆入汝陰穎上上武德四

三十五里有椒陂塘引澗水溉田二百頃永徽中刺史柳寶積修穎上上武德四

八年州廢西北百二十里有大崇陂八十里有雞陂六十里中本州州領沈邱宛邱唐初

有黃陂東北八十里有澗陂皆隋末廢唐復之溉田數百頃沈邱州廢以宛邱隸陳州沈邱來

屬後省沈邱入汝陰神龍二年復置

許州潁川郡望土貢絹蓆席柿戶七萬三千二百四十七口四十

八萬七千八百六十四縣九長社望本潁川隸汴州武德四年更名來屬州又領

塘百八十里節度使高瑀立以溉田長葛緊有小陽翟本畿初隸嵩州貞觀元年末屬龍朔二

陵望武德四年以縣置北臨穎上貞觀元年省繁昌縣入焉有講武臺本尚書舞

陽上本北舞隸道州貞觀元年來屬郟城望武德四年以郟城邵陵北舞西平置道州貞觀

陳州淮陽郡上土貢絹戶六萬六千四百四十二口四十萬二千
四百八十六縣六有忠武軍貞元元年置宛邱緊武德元年析置太康緊貞觀元年

項城

上武德四年置以項城銅陽南頓澗水置沈州并置澗水屬澗水
上建中二年隸澗州南頓東縣貞觀元年州廢省頴東入項城以澗水來屬

頓

上武德元年省入項城證聖元年復置曰西華
光武以縣有光武祠名景雲元年復故名長壽元年復置曰武城神龍元年又曰箕城

景雲元年復故名有鄧門廢陂神龍中令張餘慶復開引頴水溉田

蔡州汝南郡緊本豫州寶應元年更名土貢珉玉基子四窠雲花

龜甲雙距溪鷲等綾戶八萬七千六十一口四十六萬二百五縣

十汝陽

緊貞元七年析汝陽朗山上蔡朗山
上本隸北朗州貞觀元年隸蔡州

二年更名權隸唐州長慶元年復來屬

上蔡

緊新蔡
中武德四年以新蔡襄信舒城置舒州貞觀元年州廢省舒城入沈邱

息

上武德四年以縣置息州并置淮川長陵二縣貞觀元年州廢省淮川入眞陽長陵入襄信以新息來屬有珉玉阮歲出貢玉西北五十里有隋故玉梁渠開元中令辭務增濬溉田三千餘

眞陽

上載初元年曰淮陽神龍元年復故名
中王世充置興州武德七年州廢貞觀元年省入新蔡天授二年復置

天授二年分郟城復置尋又廢開元四年復置

汴州陳畱郡雄武德四年以鄭州之浚儀開封滑州之封邱置土

貢絹戶十萬九千八百七十六口五十七萬七千五百七縣六

有官武軍

建中二年置于宋

州興元元年徙屯

浚儀望故縣隋李密縣民王要漢率豪族置縣白為令高祖開封望貞觀元年省

入浚儀延和元年析浚儀尉氏復置有湛渠載初元年引汴注尉氏望本隸潁川郡王世充置尉州武德四年廢以尉氏

白溝以通曹竟賦租有福源池本蓬池天寶六載更名禁漁采尉氏望本隸梁郡武德

扶溝鄆陵置洧州并置康陰新汲宛陵歸化四縣貞觀元年尉氏來屬封邱望本隸梁郡武德

州廢省康陰宛陵新汲歸化以扶溝鄆陵隸許州尉氏來屬封邱望本隸梁郡武德

圍城襄邑外黃濟陽置杞州貞觀元年州廢省陳畱望本隸梁郡武德

濟陽圍城外黃以襄邑隸宋州雍邱陳畱來屬陳畱望本隸梁郡武德

宋州睢陽郡望本梁郡天寶元年更名土貢絹戶十二萬四千二

百六十八口八十九萬七千四十一縣十宋城望本隸杞州貞

寧陵緊下邑上穀熟上隋末縣民劉繼叔據之武德二楚邱緊柘城緊貞觀元年省

澶元年復置上光化二年朱全忠以碭山虞城單父單父緊光化三年虞城上武德四年

年州廢

亳州譙郡望本譙州貞觀八年更名土貢絹戶八萬八千九百六

十口六十七萬五千一百二十一縣七譙緊鄆上本隸沛郡武城父上王

置成州世充平廢武德三年於魯邱堡置文州并置藥城縣

四年州廢為文城縣七年省入城父天祐二年更名焦夷

鹿邑上大業十三年縣民田黑社

盜據號渦州武德三年來降

復為真源 望本谷陽乾封元年更名載初元年曰仙源神龍元年復曰真源 永城 上 蒙城 上

山桑天寶元年更名

徐州彭城郡緊土貢雙絲綾絹綿紬布刀錯紫石戶六萬五千一

百七十口四十七萬八千六百七十六縣七彭城 望秋邱 蕭 上 豐 上

沛 上武德五年置 滕 上 宿遷 上本宿預隸泗州寶應元年更名來屬 下邳 上武德四年以下邳郟良城置邳州貞觀元年州廢省郟良城以下邳隸泗州又省

泗州之淮陽入焉元和四年來屬

泗州臨淮郡上本下邳郡治宿預開元二十三年徙治臨淮天寶

元年更郡名土貢錦黃布戶三萬七千五百二十六口二十萬五

千九百五十九縣四臨淮 緊長安四年析徐城置 漣水 上武德四年以縣置漣州并置金城縣貞觀元年州廢省金城以漣水來

屬總章元年隸楚州咸亨五年復故有新漕 盱眙 緊武德四年以縣置西楚州八年州廢隸楚

渠南通淮垂拱四年開以通海沂密等州有直河太極元年敕使魏景倩引淮水至黃土岡以通揚州 徐城 中

濠州鍾離郡上濠字初作豪元和三年改從濠土貢絕綿絲布雲

母戶二萬一千八百六十四口十三萬八千三百六十一縣三鍾

惟緊武德七年省塗山縣入焉南有故離千人塘乾封中修以溉田有塗山定遠緊本臨豪武德三年更名招義上本化明武德二年析置唯

年省睢陵大業末縣民馬簿盜據號化州後楊益德殺簿自號刺史又置濟陰縣是年來降貞觀元年廢化州省濟陰

宿州上元和四年析徐州之符離蘄泗州之虹置大和三年州廢

七年復置初治虹後徙治符離上貢絹縣四符離武德四年置貞觀元年省徐州之諸陽入焉有

西向山一曰石城東北九十里有隋故虹中本夏邱武德四年以夏邱穀陽置仁州又析夏邱置牌湖隄灌田五百餘頃顯慶中復修虹及龍亢二縣六年省夏邱貞觀八年州廢省龍亢以

蘄隸泗州穀陽隸北譙州有銅有廣濟新渠開元二十七年採訪使齊蘄上顯慶元年臨渙潯開自虹至淮陰北十八里入淮以便漕運既成湍急不可行遂廢

七年州廢以臨渙永城山桑隸亳州穀陽蘄隸徐州元和後來屬

鄆州東平郡緊本治鄆城貞觀八年徙治須昌土貢絹防風戶八

萬三千四十八口五十萬一千五百九縣九須昌望貞觀八年省宿城縣入焉景龍三年復置宿

城縣貞元四年曰東平大和壽張緊武德四年以縣置壽州并置壽良縣五鄆城緊天祐二

四年曰天平六年省入須昌觀元年省乘邱縣入焉後隸戴州州廢來屬盧緊本濟州武德四年析東平郡置隋鉅野望武德四年以縣置麟州五年州廢隸鄆州貞盧曰濟北郡天寶元年更名濟陽郡領

盧平陰長清東阿陽穀范六縣又置昌城濟北穀城孝感冀邱美政六縣六年省美政孝感穀城冀邱昌城八年以范隸濮州貞觀元年省濟北天寶十三載郡廢以長清隸濟州以盧平陰東阿陽穀來屬北有碣磔津故關

平陰

平陰

開成二年復置有龍山

東阿

陽穀

中都

上本平陸隸兗州天寶元年更名貞

齊州濟南郡上本齊郡天寶元年更名臨淄五載又更名土貢絲

葛絹綿防風滑石雲母戶六萬二千四百八十五口三十六萬五

千九百七十二縣六歷城

注上有華不注山有鐵

章邱

上武德二年縣民李義藩以縣來降於平陵置譚州并置平陵縣以章邱亭山

營城臨邑隸之八年省營城入平陵又領臨濟鄒平貞觀元年州廢以平城亭山章邱臨邑臨濟來屬鄒平隸淄州十七年齊王祜反平陵人不從因更名全節元和十五年省全節入歷城省亭

山入章邱有大臨邑上元和十三年析德州之安德置歸化縣隸德州

胡山長白山臨邑大和二年來屬四年省入臨邑北有鹿角故關

高苑滄州之臺置鄒州八年長清中本隸濟州貞觀十七年來屬武德元年析置山在縣天州廢以長山高苑蒲臺隸淄州

曹州濟陰郡上土貢絹綿大蛇粟葶藶戶十萬三百五十二口七

十一萬六千八百四十八縣六濟陰

貞觀元年及定陶省入莒

考城上武德四年以

廢禹城

上本祝阿貞觀元年省源陽縣入莒天寶元年更名

縣置東梁州五年州廢來屬元
和十四年權隸宋州尋復故
宛句上武德四年析置濟陽
乘氏上武德四年置
南華上

離狐天寶成武鄉繫武德四年以成武及宋州之單父楚邱置戴州并置高鄉繫城三縣尋省高
元年更名鄉繫城入單父貞觀十七年州廢以成武來屬光化二年朱全忠表縣隸輝州

濮州濮陽郡上武德四年置土貢絹犬戶五萬七千七百八十二

口四十萬六百四十八縣五鄆城繫武德四年析置永定
濮陽繫武德四年析

省范上武德二年以縣置范州五年
雷澤上武德四年析置
臨濮繫武德四年析雷澤置并

長城安邱

青州北海郡望土貢僊紋綾絲棗紅藍紫草戶七萬二千一百四

十八口四十萬二千七百四縣七益都望
臨淄繫武德八年省
千乘繫武

年以千乘博昌壽光置乘州并置新博昌上武德八年省樂安安
壽光繫武德
臨朐上武

河縣六年省新河八年州廢縣來屬博昌平二縣入焉有靈山
北海繫唐初營邱民汲嗣率鄉人拒賊權置杞州武德二年復為營邱縣是年以

般陽縣入焉北海營邱下密置濰州又置連永平壽華池城都東陽寒水營亭濰水汶陽
膠東華宛昌安城平十三縣六年皆省八年州廢省營邱下密人北海來屬長
安中令竇瑛於故營邱城東北穿渠引白浪水曲折三十里以溉田號竇公渠

淄州淄川郡上武德元年析齊州之淄川置土貢防風理石戶四

萬二千七百三十七口二十三萬二千八百二十一縣四淄川武上

德元年析置長白長山上景龍元年析置濟陽縣元高苑和十五年省南有八會津鄒平上武德元年置

登州東牟郡中都督府如意元年以萊州之牟平黃文登置神龍

三年徙治蓬萊土貢貫布水蔥席石器文蛤牛黃戶二萬二千二

百九十八口十萬八千九縣四有平海軍亦蓬萊木黃神龍三年更牟平中

德四年以牟平黃置牟州六年以登州之觀陽隸文登武德四年置登州以東萊郡之觀陽隸

萊州麟元年析文登復置牟平來屬有之罘山登來屬有成山黃中先天元年析蓬

萊州東萊郡中土貢貫布水蔥席石器文蛤牛黃戶二萬六千九

百九十八口十七萬一千五百一十六縣四有東萊守捉亦曰團結營又掖

上貞觀元年省曲城當利曲臺昌陽上貞觀元年省盧鄉縣入焉有銀有鐵膠水中貞觀元

三縣入焉有東海祠有鹽井二觀東百四十里有黃銀阮貞觀初得之膠水中貞觀元

棣州樂安郡上武德四年析滄州之陽信滴河樂陵厭次置八年

州廢縣還隸滄州貞觀十七年復以滄州之厭次德州之滴河陽

信置土貢絹戶三萬九千一百五十口二十三萬八千一百五十

九縣五厭次上貞觀元年滴河中貞觀元年陽信望貞觀元年蒲臺緊本隸淄州貞觀六年

置景龍元年渤海緊垂拱四年析蒲臺厭次置有鹽年來屬

兗州魯郡上都督府土貢鏡花綾雙距綾絹雲母防風紫石戶八

萬七千九百八十七口五十八萬六千八百一十口上曲阜緊貞觀元年省

八年上本博城武德五年以博城梁父廢置東泰州并置肥城岱一縣貞觀元年州廢省乾封梁父廢肥城岱入博城來屬乾封元年更名乾封總章元年又曰博城神龍元年復

日乾封有泰山有東岳祠有梁父山亭亭山奕泗水上鄒上有任城緊龔邱中金鄉望

奕山云云山社首山肅然山石閣山蒿里山德四年以金鄉方輿置金州五年州廢縣隸戴州徙戴州來治仍析金鄉置昌魚臺上本方輿

邑縣八年省昌邑貞觀元年以單父楚邱隸宋州成武隸曹州鉅野隸鄆州實應元年更名元和十四年

萊蕪中本隸淄州武德六年省入博城長安四年以廢贏縣復置元和十五年權隸徐州尋復故年省入乾封大和元年復置有鐵冶十三有銅冶十八銅院四有錫西

北十五里有普濟渠開元六年合趙建盛開海州東海郡上土貢綾楚布紫菜戶二萬八千五百四十九口十

八萬四千九縣四胸山

上武德四年析州境置龍沮曲陽利城厚邱新樂五縣六年改新樂曰祝其八年省龍沮曲陽入胸山利城祝其入懷仁厚邱

入沐陽東二十里有永安隄北接山環城長十里以捍海潮開元十四年刺史杜令昭築

東海

上武德四年以縣置環州并置青山石城贛榆三縣八年州廢省青山石城贛榆以東海

來沐陽

中總章元年隸泗州咸亨五年復故

懷仁

中

沂州琅邪郡

上土貢紫石鍾乳戶三萬二千五百一十口十九萬

五千七百三十七縣五臨沂

上武德四年析置蘭山臨沂昌樂三縣六年皆省

費

上貞觀元年省

承

武德四年以縣置鄆州更名別置蘭陵鄆城二縣貞觀元年州廢省蘭陵鄆城以承來屬有鐵有陂十三畜水溉田皆貞觀以來築

沂水

上武德五年以沂水新泰莒置莒州貞觀八年

州廢以莒隸密州沂水新泰來屬有銅有沂山龍山北有穆陵關

新泰

上有

密州高密郡上土貢貨布海蛤牛黃戶二萬八千二百九十二口

十四萬六千五百二十四縣四諸城

上有

輔唐

上本安邱武德六年省部城縣入莒乾元二年更名

高

密

上武德三年置六年省西縣入莒

莒

上有

右河南採訪使治汴州

地理志第二十八

終

唐書二十八

地理志第二十九

唐書三十九

河東道蓋古冀州之域漢河東太原上黨西河鴈門代郡及鉅鹿常山趙國廣平國之地河申絳晉慈隰石太原汾忻潞澤沁遼為實沈分代雲朔蔚武新嵐憲為大梁分為府二州十九縣百一十其名山雷首介霍五臺其大川汾沁丹潞厥賦布繡厥貢布席豹尾熊鞞鵬羽

河中府河東郡赤本蒲州上輔義寧元年治桑泉武德三年徙治河東開元八年置中都為府是年罷都復為州乾元三年復為府土貢氍毹扇龍骨棗鳳棲梨戶七萬八百口四十六萬九千二百

二十三縣十三

有府三十二曰興樂德義胡壁龍亭清源永和陶城霍山漢水首陽壽貴歸仁長渠虞城通閭寶鼎鹽海歸信大陽永安奉信永興右威汾陰甘泉

平川安保石門綏化壇道安邑崇義六軍又有耀德軍乾元二年置廣德二年廢

河東

次亦有芳醞監汲河以釀武德三年置貞觀十年廢南有風陵關聖曆元年置有歷山

西

次赤開元八年析河東置尋省乾元三年更同州之朝邑曰河西來屬大曆五年復還同州析朝邑河東別置有蒲津關一名蒲阪開元十二年鑄八牛牛有一人策之牛下有山皆鐵也

岸以維淨梁十五年自臨晉次畿本桑泉武德三年析置溫解次畿本虞鄉武德元年更名朝邑徙河濱祠于此

二十二年復置有鹽池又有女鹽池泉縣九年省天寶十三載更名角貞觀十七年省以地入虞鄉有紫泉監乾元元年置有銅穴十二

里次畿有孤山有凍水渠貞觀十七年刺史薛次畿武德元年置本隸芮州州廢隸鼎州貞觀八萬澈開自聞喜引凍水入臨晉

邑次畿義寧元年以安邑虞鄉復置安邑郡武德元年曰虞州又析置桐鄉縣三年析安邑置興樂縣貞觀元年省十七年州廢省桐鄉入聞喜以安邑解來屬至德二載更安邑曰虞邑乾元

元年隸陝州大曆四年復故名元和三年來屬有龍池宮開元八年置寶鼎次畿本汾陰義寧有鹽池與解為兩池大曆十二年生乳鹽賜名寶應慶靈池有銀監

置汾陰郡武德元年曰泰州州廢來屬襄陵隸絳州大和元年來屬稷山上本隸絳州唐屬開元十年獲寶鼎更名有后土祠

泉上本隸秦州武德三年析稷山安邑猗氏汾陰龍門置州廢隸絳州大順二年來屬有介山龍門次畿武德二年徙秦州來治五年析置門隸絳州元和初來屬有龍門關有高祖廟貞觀中置北三十里有瓜谷山堰貞觀十年築東南

二十三里有十石壚渠二十三年縣令長孫恕鑿溉田良沃畝收十石西二十一里有馬鞍塢渠亦恕所鑿有龍門

倉開元二年置

晉州平陽郡望本臨汾郡義寧二年更名土貢蠟燭有平陽院磬

官戶六萬四千八百三十六口四十二萬九千二百二十一縣八

有府十五日神山平陽豐靈冀城安信萬安益昌
英臺岳陽仁壽高陽臨汾晉安白澗高華仁德
臨汾望東北十里有高粱堰武德中引高粱水溉田入百金泊貞觀十三年為水所

壞永徽二年刺史李寬自東二十五里夏柴堰引滴水溉田令陶善鼎
復治百金泊亦引滴水溉田乾封二年堰壞乃西引晉水有姑射山
洪洞臨汾置西河縣貞
觀十七年省入臨汾
年以霍邑趙城汾西靈石置霍山郡武德元年曰呂州貞觀十七
年州廢以靈石隸汾州霍邑趙城汾西來屬有西北鎮霍山祠

神山中木浮山武德二年析襄陵置東
岳陽中東有府
霍邑上義
靈元

趙城上義寧元年
汾西中

冀氏中

絳州絳郡雄土貢白穀梁米黎墨蠟燭防風戶八萬二千二百四

口五十一萬七千三百三十一縣七
有府三十三曰新田大平正平武城長社
大鄉垣城涑川絳川蓋松鳳亭延光平原

高涼神泉桐鄉萬泉翼城皮氏董澤零原石池延福
永康景山周陽夏臺古亭崇樂絳邑長平武陽蒲邑
正平望西有武
大平貞觀七年置

沃
望東北三十五里有新絳渠永徽元年合崔
翼城望義寧元年以翼城絳置翼城郡并置
小鄉縣武德元年曰澮州二年曰北澮

州四年州廢縣皆來屬九年省小鄉入翼城天祐二年
更曰澮川有銅源翔泉錢坊二有澮高山有銅有鐵
絳望有
聞喜望武德元年置有銅冶東

二年詔引中條山水于南陂垣上義寧元年以垣王屋置邵原郡又置清廉毫城二縣武德元年
下西流經十六里漑涑陰田垣曰邵州二年置長泉縣是年以長泉隸懷州後省五年省毫城入

垣貞觀元年州廢省清廉入垣來屬龍朔二年隸洛
州長安二年復舊貞元三年隸陝州元和三年復舊

慈州文城郡下本汾州武德五年曰南汾州貞觀八年更名土貢

白蜜蠟燭戶萬一千六百一十六口六萬二千四百八十六縣五

有府三曰什吉昌中有文城中天祐中更曰屈邑昌寧中有呂香中本平昌義寧元年

城吉昌平昌更什城中有雞山

隰州大寧郡下本龍泉郡天寶元年更名土貢胡女布蜜蠟燭戶

萬九千四百五十五口十三萬四千四百二十縣六有府六曰隰川大義

隰川中武德二年以縣置昌州并置什城常安昌原三縣貞觀大寧中本什城武德二

州并置大義白龍二縣貞觀元年州廢省大永和中武德二年置東和州六年析置樓山縣貞

義白龍以太寧來屬有孔山西有馬關關和石樓中武德二年以縣置西德州并置長壽臨河二縣貞觀元年溫泉中武德三年置北

關唐二縣貞觀元年州廢省新

北都天授元年置神龍元年罷開元十一年復置天寶元年曰北

京上元二年罷肅宗元年復為北都首陽宮在都之西北宮城周二千五百二

中長四千三百二十一歩廣三千一百二十二歩周萬五千一百五十三歩其崇四丈汾右晉潛邱在城貞觀十一年長史李勣築兩城之間有中城武后時築以合東城宮南有大明城故宮城也宮

城東有起義堂倉城中有受瑞壇唐初高祖使子元吉畱守獲瑞石有文曰李淵萬古築壇祠以少牢

太原府太原郡本并州開元十一年為府土貢銅鏡鐵鏡馬鞞梨

葡萄酒及煎玉粉屑龍骨柏實人黃石鈔甘草人葎礬石礬石戶

十二萬八千九百五十七萬八千二百七十八縣十三有府十八日興

政復化寧靜洞過五泉昌寧志節汾陽靜智信童晉原閻陽清
太原赤井苦不可飲貞觀中長史李勣架汾引晉水入東

城以甘民食 **晉陽**赤有號令堂高祖誓義師於此西北十五
太谷 魏武德三年以太谷郡置 太州六年州廢二縣來屬

謂之晉渠 東南八十里馬嶺上有長城自平 **祁** 魏武德三年隸汾州六年來屬七年又隸汾州貞
文水 魏武德三年復舊天授元年更名武興神龍元年復故

城至于魯口三百里貞觀元年廢 **榆次** 魏武德三年以益受陽置受州貞觀元年省并
壽 州之身河縣入焉有銅有鐵東北有白馬故關

有千畝渠俱引文谷水傳溉田數 **樂平** 魏武德三年以益受陽置受州貞觀元年省并
廣陽 魏本石艾天寶元年

千頃皆開元二年令戴謙所鑿 **陽** 魏本受陽武德六年徙受州來治又以遼州之石艾樂
平 魏武德八年州廢縣皆來屬十一年更名有方山

清源 魏武德元年置 **交城** 魏先元二年析置靈川 **陽曲** 魏本陽直武德三年析置
縣開元二年省有鐵 汾陽縣七年省陽直更汾

關葦澤故關 **陽** 魏武德元年省六年以蘇農部落置
陽曰陽曲仍析置羅陰縣貞觀元年省六年以蘇農部落置
燕然縣隸順州八年僑治陽曲十七年省有赤塘關天門關

汾州西河郡望本浩州武德三年更名土貢峯面氈龍鬚席石膏

消石戶五萬九千四百五十口三十一萬二千三百三十縣五有府十二日嘉善六

壁崇德華夏靈扶五柳京陵西河望本隰城肅宗上元元年更名孝義望本永安貞觀元年更有名有隱泉山介休望義寧元年

介休賈胡寧固開遠清勝平遙置介休郡武德元年曰介州貞觀元年州廢以一縣來屬有省鼠谷有介山平遠望靈石上有賈胡堡朱金剛拒唐兵高祖所次西南有陰頭關又有長寧關

沁州陽城郡下本義寧郡義寧元年置天寶元年更郡名土貢龍

鬚席弦麻戶六千三百八口三萬四千九百六十三縣三有府二日延雙安樂

沁源中武德二年析置招遠縣三年省有柴店關和川中義寧元年析沁源置綿上中有鐵

遼州樂平郡下武德三年析并州之樂平遼山平城石艾置六年

徙治遼山八年曰箕州先天元年避玄宗名曰儀州中和三年復

曰遼州土貢人蔘蠟戶九千八百八十二口五萬四千五百八十

縣四有府三曰遼遼山中榆社中本隸太原郡義寧元年析上黨之鄉置武德元年隸韓城清谷龍城榆社州三年以縣及并州之平城置榆州又析置偃武縣六年

州廢省偃武以平城中和順中武德三年析置義興縣六年省

嵐州樓煩郡下本東會州武德六年更名土貢熊羆麝香戶萬六

千七百四十八口八萬四千六縣四有府一曰嵐山有守捉兵空芳中本嵐城武德四年更名析置豐蘭合會二縣

五年省豐蘭中武德四年置管州仍析置汾陽六度二縣五年曰北管州六年州廢省合

河中本臨泉武德三年曰臨津四年隸東會州九年省太和縣入虜貞觀元年更名三年復置太和八年又省北有合河關東有蔚汾關嵐谷中長安三年析空

開元十二年復置有苛嵐軍永清二年以苛嵐鎮為柵長安三年為軍景龍中張仁直徙其軍於朔方雷者號苛嵐守捉隸大同

憲州下本樓煩監牧嵐州刺史領之貞元十五年別置監牧使龍

紀元年李克用表置州領縣三樓煩下玄池下有鐵天池下有鴈門關

石州昌化郡下本離石郡天寶元年更名土貢胡女布龍鬚席蜜

蠟燭莖蕘戶萬四千二百九十四口六萬六千九百三十五縣五

有府二曰離石中有孝平夷中有孝定胡中武德三年置西定州貞觀二年州廢來臨泉中

離石昌化離石屬又析置孟門縣七年省西有孟門關方山中武德二年以縣置

忻州定襄郡下本新興郡義寧元年以樓煩郡之秀容置土貢麝

香豹尾戶萬四千八百六口八萬二千三十二縣一有府四曰秀容高城

秀容上貞觀五年以思結部落於縣境置懷化縣隸順州十二年以懷化隸代州後省有繫丹山有鐵定襄上武德四年所秀容置有石嶺關

代州鴈門郡中都督府上貢蜜青碌彩麝香豹尾白鷓羽戶二萬

一千二百八十口十萬三百五十縣五有府三曰五臺東治鴈門有守捉兵其北有大同軍本大武軍調露二年曰神

武軍天授二年曰平狄軍大足元年復更名其西有鴈門上有東陁關西陁關五臺中柏谷有銀有銅

天安軍天寶十二載置又有代北軍永泰元年置鴈門關西陁關五臺有鐵有五臺山

緜時中崞中有石唐林中本武延證聖元年析五臺崞置唐隆元年更名

雲州雲中郡下都督府貞觀十四年自朔州北定襄城徙治定襄

縣永清元年為默啜所破徙其民于朔州開元十八年復置土貢

犛牛尾鷓羽戶三千一百六十九口七千九百三十縣一有雲中樓煩

有牛雲中中本馬邑郡雲內之恆安鎮武德元年置北恆州七年廢貞觀十四年復置

朔州馬邑郡下本治善陽建中中節度使馬燧徙治馬邑後復故

治土貢白鷓羽豹尾甘草戶五千四百九十三口二萬四千五百

三十三縣二善陽

中武德四年省常寧縣入焉

馬邑

中開元五年析善陽於大同軍城置

蔚州興唐郡下本安邊郡隋鴈門郡之靈邱上谷郡之飛狐縣地

唐初沒突厥武德六年置州并置靈邱飛狐二縣僑治陽曲七年

僑治縣時八年僑治秀容故北恆州城貞觀五年破突厥復故地

還治靈邱開元初徙治安邊至德二載更郡名復故治土貢熊羆

豹尾松實戶五千五百五十二口二萬九百五十八縣三

東北有橫野軍乾元元年徙天成軍

合之而廢橫野軍西有清寨軍本清寨守捉城貞元十五年置

靈邱

中有直谷關其北有孔嶺關有大安鎮

飛狐

中初僑治易州之遂城遙隸蔚州貞觀五年復故地有三

有錢官興唐

中本安邊開元十一年置治橫野軍至德二載更名

武州闕領縣一文德

新州闕領縣四永興礬山龍門懷安

潞州上黨郡大都督府土貢貲布人蓑石蜜罌戶六萬八千三百

九十一口三十八萬八千六百六十一縣十

有府一曰藪黎

上黨

望有啟聖宮本飛龍玄宗故第

開元十一年置後又更名**壺關**上武德四年析上黨置**長子**緊**屯雷**上有三**潞城**上武德二年更曰潞子**襄**

垣上武德元年以襄垣黎城涉銅鞮鄉置**黎城**上武德二年更曰黎亭**涉**中有**銅鞮**

貞觀十七年州廢縣皆來屬東有井谷故關**武鄉**中本鄉武后更名武鄉神龍元年復故名尋又曰武鄉北有昂車關

澤州高平郡上本長平郡**治濩澤****武德八年徙治端氏****貞觀元年**

徙治晉城**天寶元年更郡名****土貢人****棧石****英野****雞戶****二萬七千八**

百二十二口十五萬七千九百六有府五日丹川永安**晉城**上本丹川武德元年置建州三

年析丹川置晉城以隸之六年州廢隸蓋州徙蓋州來治九年省丹川蓋城入晉城**端氏**中

觀元年州廢以晉城高平陵川來屬天祐二年更曰丹川南有天井關一名太行關**陵川**中**陽城**中本濩澤天寶元年更名天祐**沁水**中**高平**上本隋長平郡武德元年

三縣并析置蓋城縣以隸之有泫水一曰丹水貞元元年令明濟引入**右河東採訪使治蒲州**

河北道**蓋古****幽冀****二州之境****漢河內****魏渤海****清河****平原****常山****上谷**

涿**漁****陽****右北平****遼****西****真定****中山****信都****河間****廣陽****等郡國****又參有東**

涿**漁****陽****右北平****遼****西****真定****中山****信都****河間****廣陽****等郡國****又參有東**

郡河東上黨鉅鹿之地孟懷澶衛及魏博相之南境為媿訾分邢
洺惠貝冀深趙鎮定及魏博相之北境為大梁分滄景德為玄楊
分瀛莫幽易涿平嬀檀薊營安東為析木津分為州二十九都護
府一縣百七十四其名山林盧白鹿封龍井陘碣石常岳其大川
漳淇呼陀厥賦絲絹綿厥貢羅綾紬紗鳳翽葦席

孟州望建中二年以河南府之河陽河清濟源溫租賦入河陽三

城使又以汜水租賦益之會昌三年遂以五縣為州土貢黃魚鱧

縣五有河陽軍建中四年置河陽望武德四年析懷州之河陽集城溫於河陽宮置盟州八年州廢省

池永徽四年引濟水漲望本隸鄭州武德四年析置成皋縣貞觀元年省顯慶二年隸洛汜水州垂拱四年曰廣武神龍元年復故名有虎牢關東南有成皋故

關西南有旋門故關有牛口洛西一望開元二十二年析汜水滎澤武陟置隸河南府領河陰河陰倉會昌三年來屬有梁公堰在河汴間開元二

年河南尹李傑因故望武德四年隋合周仲隱以縣去王世充來降置平州溫名縣城曰李城是年州廢隸懷州顯慶二年隸洛州濟源望武德二

將丁伯德以縣來降置西濟州又析置溟陽蒸川邵源三縣四年州廢省溟陽蒸川邵原以濟源
隸懷州貞觀元年省懷州之軹縣入焉顯慶二年隸洛州有坊口堰大和五年節度使溫造浚古

渠瀨濟源河內溫武陟田五千頃
有濟瀨祠北海祠西有故軼關

懷州河內郡雄武德二年沒王世充僑治濟源之柏崖城四年世

充平還舊治土貢平紗平紬枳殼茶牛膝戶五萬五千三百四十

九口三十一萬八千一百二十六縣五有府二曰丹水吳澤河內望武德三年析置太行

武德望本安昌武德二年更名是年置北義州四武德望山有丹水開元十一年更名懷水年州廢來屬北百里有大斛故關在太行山獲嘉望

德四年以獲嘉武陟修武新鄉其城置殷州并置博望縣貞武陟望貞觀元年修武緊武德

觀元年州廢以獲嘉武陟修武來屬新鄉其城博望隸衛州武陟省懷縣入焉修武二年河

內民李厚德以濁鹿城來降置陟州并置修武縣四年徙縣治故修武更修武曰武陟別置修武

縣是年州廢隸殷州西北二十里有新河自六真山下合黃母泉水南流入吳澤陂大中年令杜

某開魏州魏郡大都督府雄本武陽郡龍朔二年更名冀州咸亨三年

復曰魏州天寶元年更郡名土貢花紬綿紬平紬絕絹紫草戶十

五萬一千五百九十六口百一十萬九千八百七十三縣十四貴

鄉望有西渠開元二十八年刺史盧暉徙永濟渠元城望貞觀十七年省入魏望武德四年

自石灰窠引流至城西注魏橋以通江淮之貨魏貴鄉聖曆一年復置魏置漳陰縣貞

觀元年館陶望武德五年以館陶冠氏及博州之堂邑貝州之臨清清水置毛州并折臨冠

氏望上武德五年以莘臨黃武陽博州之武**朝城**緊本武陽貞觀十七年省入臨黃莘永

和中隸澶州後復來屬天祐三年更**昌樂**望武德五年置貞觀**臨河**上武德二年隸黎州貞

日武陽又以武陽莘河外地入鄆州**成安**上本隸相州天祐二年**內黃**隸本

秀澶水本澶淵避高州名更**洹水**上本隸相州天祐三年來屬**宗城**望本隸貝州武德四年以宗城經城及冀州之南宮斌疆

州武德四年析置絳陽縣隸黎**永濟**上本隸貝州大曆七年田承嗣析

州貞觀元年省天祐三年來屬**博州博平郡上武德四年以魏州之聊城武水堂邑高唐置土貢**

綾平紬戶五萬二千六百三十一口四十萬八千二百五十二縣

六聊城緊武德四年析置在平縣又析魏州之莘置莘亭縣貞觀元年皆省天祐三**博平**上

年更曰聊邑又以聊邑博平高唐武水之河外地入鄆州東南有四口故關**武水**上**清平**上武德**堂邑**上**高唐**上長壽二年日

德三年析置靈泉縣四年省貞觀十**復故**七年省博平入聊城天授二年復置**名**

相州鄴郡望本魏郡天寶元年更名土貢紗絹隔布鳳翽席花口

瓢知母胡粉戶十萬一千一百四十二口五十九萬一百九十六

縣六有昭義軍大安陽緊武德四年省零泉縣五年省相縣入焉西二十里有高平鄴緊南

有金鳳渠引天平渠下流湯陰上本蕩陰武德四年析安陽置蕩蕩源縣隸衛林慮上武德二

溉田咸亨三年開有鐵蕘城上天祐三年更曰永定北四十五里有萬金渠臨漳上南有菊花渠

屬有鐵有林慮山水溉田屈曲經三十里又北三十里有利物渠自滏陽下入成安并取天平渠水以溉田皆咸亨四年令李仁綽開

衛州汲郡望本治衛貞觀元年徙治汲土貢綾絹綿胡粉戶四萬

八千五十六口二十八萬四千六百三十縣五汲置義州四年州廢以汲

來屬新鄉衛緊貞觀十七年省清澁縣入焉長安三年復置清淇縣神共城上武德元年以縣

隸殷州龍元年又省御水有石堰一貞觀十七年築有蘇門山新鄉望東北有故臨清關黎陽上武德二年以縣置黎

城縣四年州廢省凡城以其城隸殷州六年省博望縣入焉有白鹿山東南有故延津關州尋沒竇建德四年建

德復以黎陽臨河內黃澶水魏州觀城頓邱相州之蕩陰置是年以頓邱觀城還隸魏州蕩陰還隸相州貞觀十七年州廢省澶水以黎陽來屬內黃臨河隸相州有白馬津一名黎陽關有大峽

平開長十四里闊六十步深丈有七尺決河注故道滑州遂無水患
貞州清河郡望本治清河武德六年徙治歷亭八年復故治土貢

絹氈覆峯氈戶十萬一十五口八十三萬四千七百五十七縣八

清河緊清陽緊武德四年析置夏津縣九年省武城上經城望西南四十里有張甲河神龍三年姜師度因故瀆開臨清望大曆七年

年隸瀛州貞元末年來屬漳南上歷亭上夏津上本鄆天寶元年更名

澶州上武德四年析黎州之澶水魏州之頓邱觀城置貞觀元年

州廢縣還故屬大曆七年田承嗣表以魏州之頓邱臨黃復置土

貢角弓鳳翮席胡粉縣四頓邱望清豐上大曆七年析頓邱昌樂置以孝子張清豐名觀城緊貞觀十七年

省入昌樂臨黃大曆七年復置臨黃緊東南有盧津關一名高陵津

邢州鉅鹿郡上本襄國郡天寶元年更名土貢絲布磁器刀文石

戶七萬一百八十九口三十八萬二千七百九十八縣八龍岡上武

德元年析龍岡內邱置青沙河上武德元年置溫州四年州廢來屬有鐵南和緊武德元年置和州四年州廢來屬鉅鹿上武德元年置

起州并析置白起縣四年州廢省白起以鉅鹿隸平鄉上武德元年置封州四年州廢來屬貞元中刺史元諡徙漳水自州東二十里

出至鉅鹿北任中武德四年置堯山上本柏仁武德元年置東龍州四年州廢隸趙州五年來屬天寶元年更名內邱上武德四年隸趙州五年來屬有鐵

洛州廣平郡望本武安郡天寶元年更名土貢繩綿紬油衣戶九萬一千六百六十六口六十八萬三千二百八十縣六承年望平

恩上臨洛緊武德元年以臨洛武安肥鄉鄆州置紫州四年州廢縣皆隸雞澤上武德四年

武德初置後陷竇建德遂廢有漳洛肥鄉上州又領清漳池水二縣會昌三曲周上武德

惠州上本磁州武德元年以相州之滏陽臨水成安置貞觀元年

州廢滏陽成安還隸相州永泰元年昭義節度使薛嵩表復以相

州之滏陽洛州之邯鄲武安置天祐三年以磁慈聲一更名土貢

紗磁石縣四滏陽望邯鄲上貞觀元武安上武德六年昭義上本臨水武德六

置更名

鎮州常山郡大都督府本恆州恆山郡治石邑義寧元年析隋高

陽郡置武德四年徙治真定天寶元年更郡名十五載曰平山尋

復為恆山元和十五年避穆宗名更土貢孔雀羅瓜子羅春羅梨

戶五萬四千六百三十三口三十四萬二千一百三十四縣十一

有恆陽軍 **真定** 望武德六年析置恆山縣貞觀元年省開元中置 **藁城** 緊義寧元年置鉅鹿郡并析置柏肆新豐定安三縣武德元年

曰廉州四年以趙州之鼓城定州之毋極冀州之鹿城隸之省柏肆新豐定安入 **石邑** 緊 **九**

門 上義寧元年置九門郡并析置新市信義二縣武德元年曰觀州五年州廢省信義新市以九門來屬 **行唐** 中武德四年置玉城縣五年省磁陽縣入焉長壽二年曰章武神龍

元年復故名大曆三年以縣置泚州又以靈 **井陘** 中義寧元年置井陘郡又析置葦澤縣武德

壽及定州之恆陽隸之九年州廢縣還故屬 **平山** 中本房山義寧元年置房山郡又置蒲吾縣武

貞觀元年省蒲吾入房山鹿泉葦澤入井 **平山** 德元年曰嶽州四年州廢縣皆隸并州天寶十

五載更名有鐵有 **獲鹿** 中本鹿泉天寶十五載更名有故井陘關一名土門關東北十里有大

白馬關有房山 **獲鹿** 唐渠自平山至石邑引太白渠溉田有禮教渠總章二年自石邑西北

引太白渠東流入真定界以溉田天寶二年又自石 **靈壽** 中義寧元年以縣置燕 **鼓城** 中本

邑引大唐渠東南流四十三里入太白渠有抱犢山 **靈壽** 州四年州廢隸并州 **鼓城** 中本

州大曆三年 **欒城** 中本隸趙州大曆三年來 **冀州信都郡** 上本治信都武德六年徙治下博貞觀元年復故治

龍朔二年更名魏州咸亨三年復故名土貢絹綿戶十一萬三千

八百八十五口八十三萬五百二十縣九信都 望天祐二年更曰堯都東二里有葛榮陂貞觀十一

年刺史李興公開引
南宮望西五十九里有濁漳隄顯慶元年築有通利渠延載元年開**堂陽**上西南三十里有渠自鉅鹿入縣境下入南宮景龍元年

趙照渠水以注之
開西十里有漳水
隄開元六年築
棗彊上**武邑**北三十里有衡漳右隄顯慶元年築**衡水**上南一里有羊合渠載初

中令羊元珪引漳
水北流貫城注隍
阜城望天祐二年更曰漢阜**脣**上本隸德州永泰元年來屬**武彊**望貞觀元年隸深州州廢來屬

泰元年復隸深州唐末來屬

深州饒陽郡上武德四年以定州之安平瀛州之饒陽置尋徙治

饒陽貞觀十七年州廢縣還故屬先天二年以瀛州之饒陽冀州

之鹿城下博武彊定州之安平復置土貢絹戶萬八千八百二十

五口三十四萬六千四百七十二縣七陸澤上先天二年析饒陽鹿城置**饒陽**望武德四年析

置無婁縣貞觀元年省**束鹿**上本鹿城天寶十五載更名**安平**上**博野**望本隸蒲州武德五年以博野清苑定州之義豐置蠡州八年州廢縣還故屬九年

復以博野清苑置貞觀元年州廢以博野清苑隸瀛州**樂壽**緊本隸瀛州大曆中來屬元下

永泰中以博野來屬元和十年復隸瀛州後又來屬

博上本隸冀州貞觀元年來屬州廢還隸冀州後又來屬開元二年隸冀州永泰元年復來屬有永寧軍貞元十年置
趙州趙郡望武德初治柏鄉四年徙治平棘五年更名樂州貞觀

初復故名土貢絹戶六萬三千四百五十四口三十九萬五千二

百三十八縣八平棘上東二里有廣潤陂引太白渠以注之東南二十里有畢泓皆永徽五年令弓志元開以畜洩水利寧晉緊本瘦陶天寶

元年更名地早鹵西南有新渠上元中令程處默引昭慶望本大陸武德四年曰象城天寶元

陵二陵共瑩城下有澧水渠儀鄉上西有千金渠萬金堰開元高邑中本房子臨城天寶元年

鳳三年令李玄開以溉田通漕中令王佐所浚築以疏積潦年更白房子贊皇中元氏封龍山

滄州景城郡上水渤海郡治清池武德元年徙治饒安六年徙治

胡蘇貞觀元年復治清池土貢絲布柳箱葦簞糖蠟鱧鱗戶十二

萬四千二十四口八十二萬五千七百五縣七西南有橫海軍開元十四年置天寶後廢大曆元年

復清池緊西北五十五里有永濟隄二永徽二年築西四十五里有明溝河隄二西五十里有李彪定東隄及徒駭河西隄皆三年築西四十里有衡漳隄二顯慶元年築西北六十

里有衡漳東隄開元十年築東南二十里有渠注毛氏河東南七十里有渠注漳並引浮水皆刺史姜師度開西南五十七里有無棣河東南十五里有陽通河皆開元十六年開南十五里有浮

河隄陽通河隄又南三十里有永濟北隄亦是年築有甘井二十年令鹽山緊武德四年置東

毛某母老苦水鹹無以養縣舍穿地泉涌而甘民謂之毛公井有鐵鹽州五年以景州之清池并析鹽山置浮水縣以隸之貞觀長蘆州之本隸瀛州武德四年以長蘆平舒魯城及滄

元年州廢省浮水以清池鹽山來屬有鹽

瀛州長蘆樂陵上本隸棣州武德八年來屬大饒安上武德四年析置鬲津無棣土貞觀元年省

魯城來屬入陽信八年復置大和二年隸棣州尋復來屬乾符上本魯城乾符元年生野稻水穀二無棣千餘頃燕魏飢民就食之因更名

景州上貞元三年析滄州之弓高東光臨津置長慶元年州廢縣

還滄州二年復以弓高東光臨津南皮景城置大和四年州又廢

縣還滄州景福元年復置土貢葦管縣四弓高上本隸德州武德四年以

阜城蓆安陵觀津置觀州并析東光置安陵縣析蓆置觀津縣六年以胡蘇隸滄州貞觀元年省觀津復以胡蘇隸觀州十七年州廢以弓高東光胡蘇隸滄州蓆安陵隸德州阜城還隸冀州

東光上南二十里有斬河自臨津上本胡蘇天南皮上古毛河自臨津經縣入清池開元

德州平原郡上土貢絹綾戶八萬三千二百一十一口六十五萬

九千八百五十五縣六安德緊長河上東南有平原上大和二年隸平昌上

觀十七年省般縣入焉大和二年隸齊州將陵望安陵望景福元年隸

定州博陵郡上本高陽郡天寶元年更名土貢羅紬細綾瑞綾兩

窠綾獨窠綾二包綾熟線綾戶七萬八千九百四十九萬六千

三年來屬有馬頰河久視元年開號新河

六百七十六縣十
有義武軍建中四年置**安喜**
德四年更名**義豐**
緊萬歲通天二年

節神龍元年**北平**
上萬歲通天二年以拒契丹更名**望都**
上武德四年置**曲陽**
上本恆陽元和

年復故名**望都**
四年置**新樂**
中東南二

年又更匝岳曰**涇邑**
唐上開創馬故關北有委粟故關**新樂**
十里有木

鎮岳有岳祠**無極**
唐昌天寶元年更名**深澤**
中

刀溝有民木刀**易州上谷郡上土貢納綿墨戶四萬四千二百三十口二十五萬**

居溝旁因名之**八千七百七十九縣六**
有府九曰遂城安義修武德行新**容城**
上本道武德

及幽州之固安歸義置北義州貞觀元年州廢縣還故屬聖曆**遂城**
上**涑水**
上**滿城**
中本

二年以拒契丹更名全忠神龍二年復故名**五回**
中下開元二十三年析易置并

天寶元年更名有郎山有**幽州范陽郡大都督府本涿郡天寶元年更名土貢綾綿絹角弓**

承清軍貞元十五年置**人獲粟戶六萬七千二百四十二口三十七萬一千三百一十二**

縣九
有府十四曰呂平涿城德聞潞城樂上清化洪源良鄉開福政和停驂柘河良杜咸靈城
乾澗殄寇三鎮城石堆**蔚**
望天寶元年析置廣靈縣三**幽都**
望本蔚縣地隋於營州之境汝羅
車坊蒿城河旁四戌**蔚**
載省有鐵有故隋臨朔宮
故城置遼西郡以處粟末靺鞨降

人武德元年曰燕州領縣三遼西瀘河懷遠土貢豹尾是年省瀘河六年自營州遷于幽州城中
以首領世襲刺史貞觀元年省懷遠開元二十五年徙治幽州北桃谷山天寶元年曰歸德郡戶
二千四十五口萬一千六百三建
中二年為朱滔所滅因廢為縣
置臨洺縣貞觀元年州廢省
臨洺無終以潞漁陽來屬
廣平 上天寶元年析薊置
三載省至德後復置
上武德二年自無終徙漁陽
郡於此置玄州領潞漁陽并

武清 上本雍奴天
寶元年更名
永清 緊本武隆如意元年析安大置景
安 雲元年曰會昌天寶元年更名

次上良鄉 望聖曆元年曰固節神龍
昌平 望北十五里有軍都陁西北三十五里有納款關
元復故名有大防山 即居庸故關亦謂之軍都關其北有防禦軍古夏

陽川也
有狼山

涿州上大曆四年節度使朱希彩表析幽州之范陽歸義固安置

縣五范陽 望本涿武德
七年更名 歸義 上武德五年置貞觀元年省八年復
置景雲二年隸鄭州是年還隸幽州 固安 上
新昌 上大曆四

年析固
安置 新城 上大和六年以
故督元地置

瀛州河間郡上土貢絹戶九萬八千一十八口六十六萬三千一

百七十一縣五河間 望武德五年置武垣縣貞觀元年省入焉西北百里有長豐渠二
十一年刺史朱潭開又西南五里有長豐渠開元二十五年刺史

盧暉自東城平舒引滹沱東
入淇通漕溉田五百餘頃 高陽 上武德四年以高陽鄭博野清苑置滿州五年以平舒
博野清苑隸蠡州貞觀元年州廢以鄭高陽來屬

東城 上景城 上本隸滄州武德四年來屬貞觀元年隸
滄州大曆七年復舊後隸景州尋又來屬

莫州文安郡上本鄭州景雲二年以瀛州之鄭任邱文安清苑唐

興幽州之歸義置開元十三年以鄭鄭文相類更名土貢絹縣戶

五萬三千四百九十三口三十三萬九千九百七十二縣六有唐興軍開元

十四年置北莫緊本鄭開元十三清苑上文安上貞觀元年省任邱上武德五年分鄭

又有渤海軍莫年更有九十九淀長豐中本利豐開元十年析唐興上本武興如意元年

四年合魚思賢開以洩陂淀自縣南五里至城西北入滹得地二百餘頃文安任邱置是年更名唐興析河開置長安四年

隸易州是年還隸瀛州神龍元年更名

平州北平郡下初治臨渝武德元年徙治盧龍土貢熊羆蔓荆實

人獲戶三千一百一十三口二萬五千八十六縣三有府一曰盧龍有

置又有柳城軍永泰元年置有溫溝白望西狹石東狹石綠疇米礪長楊黃花紫盧龍中本肥

蒙白狼昌黎遼西等十二戍愛川周襲二鎮城東北有明埕關鶻湖城牛毛城盧龍如武德

二年更名又置石城中本臨渝武德七年省貞觀十五年復置萬歲通天二年更馬城中古

撫寧縣七年省城也開元二十八年置以通水運城有臨渝關一名臨開關有大海關有碣石山有溫昌鎮馬城海陽

城也開元二十八年置以通水運城有臨渝關一名臨開關有大海關有碣石山有溫昌鎮馬城海陽

貞觀八年更名土貢樺皮胡祿甲榆髀矢麝香戶二千二百六十

三口萬一千五百八十四縣一有府二曰密雲白檀有清夷軍垂拱中置有堆北白陽度雲治廣邊四鎮兵有橫河柴城二戍有陽門城

有永定窯子一關又有懷柔軍在媯蔚一州之境懷戎上天寶中析置媯川縣尋省媯水貫中北九十里有長城開元中張說築東南五十里有居庸塞東連盧龍碣石西屬太行常

山實天下之險有鐵門關西有寧武軍又北有廣邊軍故白雲城也

檀州密雲郡本安樂郡天寶元年更名土貢人獲麝香戶六千六

十四口三萬二百四十六縣一有威武軍萬歲通天元年置本漁陽開元十九年更名又有鎮遠軍故黑城川也有二义城橫山城

米城有大王北來係要鹿固赤城邀虜石子齧七鎮有臨河黃崖二戍密雲中有隗山燕樂中東北百八十五里有東軍北口二守捉北口長城口也又北八百里有吐護

真河奚王衙帳也

薊州漁陽郡下開元十八年析幽州置土貢白膠戶五千三百一

十七口萬八千五百二十一縣三有府二曰漁陽臨渠南二百里有靜塞軍本障塞軍開元十九年更名又有雄武軍故廣漢川

也東北九十里有洪水守捉又東北三十里有鹽城守捉又東北渡灤河有古盧龍鎮又有斗陁鎮自古盧龍北經九荆嶺受米城張洪隘度石嶺至奚王帳六百里又東北行傍吐護真河五百

里至奚契丹衙帳又漁陽中神龍元年隸營州開元四年還隸幽州有平虜渠傍海穿漕以避海難又其北漲水為溝以拒契丹皆神龍中滄州刺史姜師度開

北百里至室韋帳

三河

中開元四年析潞置北十二里有渠河玉田

中本無終武德二年置貞觀元年省乾封二年復置萬歲通天元年更名神龍元年

隸營州開元四年還隸幽州八年隸營州十一年又隸幽州有濠門米亭三谷礪石方公白楊等七戍

營州柳城郡上都督府本遼西郡萬歲通天元年為契丹所陷聖

曆二年僑治漁陽開元五年又還治柳城天寶元年更名土貢人

獲麝香豹尾皮骨蝟戶九百九十七口三千七百八十九縣一有平盧軍

開元初置東有鎮安軍本燕郡守捉城貞元二年為軍城西四柳城中西北接奚北接契丹有

有碣石山

安東上都護府總章元年李勣平高麗國得城百七十六分其地

為都督府九州四十二縣一百置安東都護府於平壤城以統之

用其酋渠為都督刺史縣令上元三年徙遼東郡故城儀鳳三年

又徙新城聖曆元年更名安東都督府神龍元年復故名開元二

年徙于平州天寶二年又徙于遼西故郡城至德後廢土貢人獲

有安東守捉有懷遠軍天
寶一載置又有保定軍

右河北採訪使治魏州

地理志第二十九 終

唐書三十九